

世祖惠莊大王實錄

第六之八

16374  
163



163740

5.12.15

國立臺灣大學圖書館典藏  
由國家圖書館數位化

世祖惠莊大王實錄卷第六

三年大明景泰八年春正月丙寅朔 御勤政殿受朝賀 御思

政殿引見野人大護軍金阿郎哈等二十九人又 御思政殿

設宴宗親及議政府六曹叅判以上都鎮撫承旨等入侍 賜

宴卓及酒五十瓶于議政府 王世子宴卓及酒二十瓶于書

筵官○丁卯 上與中宮御康寧殿海陽大君睿宗進豐呈

世子與內宗親等入侍命當直都鎮撫朴炯宰樞廼慶姜希顏

左承旨曹錫文左副承旨韓繼義右副承旨權摯等會于思政

殿月廊世子承 命出行酒桂陽君增義昌君玗翼峴君瑾亦

出行酒○兀良哈萬戶林加乙獻指揮塞列乞之弄可副司直

於夫乃副司正於夫可等來獻土物○鄭麟趾等令舍人李孝

長啓曰昨日蒙 賜宴卓臣等今日會本府願遣承旨 命都承

旨韓明澮賚酒器往叅焉○戊辰議政府令舍人李孝長啓曰

臣等於昨日宴約先出者罰宴雲城君朴從愚先出臣等擬於

明日赴從愚家然將相聚會不可不啓故敢啓 上曰善舉也

命賜酒樂又令都承旨韓明澮往祭○初成吉道觀察使咸  
禹治啓月課鐵葉兒甲數年之內貫皮磨絕功力多而無長久  
之計請自今除鐵甲三分之二用猪牛皮造作上議于兵曹  
從之○己巳平壤判官朴搭孫辭引見于思政殿傳曰守  
令之任在愛民而已往盡乃心○禮曹啓率左議政李思搭為  
王世子傳請例致吊賻從之○元良哈司正李波乙時副萬  
戶浪松古老都指揮不顏禿司直滿禿哈等來獻土物○禮曹  
啓開元禮郊祀五帝有分獻官各奠一爵前朝古今詳定禮郊  
祀五帝無分獻官大祝各奠三爵宋朝五帝有分獻官各奠一  
爵諸司職掌五帝有分獻官各奠三爵傳曰宜有分獻官○  
庚午上謂世子曰昔唐太宗作帝範以教高宗誠為國之要  
也汝其學焉遂賜帝範○大司憲元孝然左司諫權愷等啓曰  
臣等前請上王之事至今未蒙俞允不勝失望大抵可疑之  
事當更思之今事體明甚願賜俞允傳曰大事不可輕易  
孝然等曰非徒臣等宗戚大臣以至百寮咸曰不可傳曰予

更商量○禮曹啓前定儀注內昊天上帝五帝幣依開元禮用  
繒但今不祀五帝其上帝地祇配位大明夜明星辰之幣用絹  
風雲雷雨東南西海嶽瀆山川之幣依舊例用苧布各用其色  
命皆用絹○辛未傳于承政院曰近因大明使臣支待與講  
武等事未得專意農桑幸今國家閑暇卿等其議勸課之方以  
啓承旨等啓曰勸課之方已無遺策然農桑不可偏廢今小民  
但務農事不務種桑麻木綿率以米穀買布為衣以是日至貧  
乏須速諭諸道敦加勸課 傳曰可○女真護軍金余龍哥骨  
看兀狄哈指揮僉事金咬哈等來獻土物○禮曹啓禮祀天犢  
牛其角鬣栗然角鬣栗者方飲乳不得喂以芻穀其二歲犢角  
雖稍大亦是犢牛且易以喂養請用之 從之又啓祀天時諸  
神位版書曰昊天上帝之位皇地祇之位 太祖康獻至仁啓  
運聖文神武大王之位大明之位夜明之位星辰之位岳瀆山  
川之位風雲雷雨之位東南西海之位 從之○壬申 命召  
議政府領議政鄭麟趾左叅贊黃守身禮曹判書朴仲孫叅議

閔瑗及承旨等議祀天諸事 傳曰中朝正月十五日祭天今  
嘗以是日祭之○元良哈上護軍李舍士指揮元多沙副司正  
李呀時右等來獻土物○禮曹啓開元禮郊祀前祀二日太尉  
告神堯皇帝廟如常告之儀前朝詳定古今禮前祀二日太尉  
奏告太祖陵祠如常告之儀告以配神作主之意請今前祀圜  
丘二日議政告 太祖室以配神作主之意如常告儀 從之  
又啓諸司職掌內維洪武某年歲次某甲子正月嗣天子臣敢  
昭告于昊天上帝后土皇地祇時維孟春三陽開泰敬率臣僚  
以玉帛犧齊梁盛庶品恭祀于太祀殿備茲燎瘞皇考仁祖淳  
皇帝配神尚饗今依此祝文當日維景泰八年歲次丁丑正月  
丙寅朔十五日庚辰朝鮮國嗣王臣諱敢昭告于昊天上帝后  
土皇地祇時維孟春三陽交泰敬率臣寮以玉帛犧齊梁盛庶  
品恭祀于太祀圜丘備茲燎瘞 皇曾祖考太祖康獻大王配  
神尚饗又啓諸司職掌凡正祭前二日用祝文洒果奉先殿告  
仁祖配上帝皇祇告廟祝文維洪武某年歲次某甲子某月某

日孝子皇帝敢昭告于皇考仁祖淳皇帝茲以正月某日恭祀  
上帝皇祇于大祀殿謹請皇考配神伏惟鑒知謹告今依此祝  
文當日維景泰八年歲次某甲子某月某朔某日孝曾孫嗣王  
臣謹敢昭告于 皇曾祖考太祖康獻至仁啓運聖文神武大  
王茲以正月某日恭祀上帝皇祇大祀圜丘謹請皇曾祖考配  
神伏惟鑒知謹告且其祭只用酒果 從之又啓迎神上帝  
太祖大明夜明星辰風雲雷雨位牲首燔於燎壇皇地祇東南  
西北海岳瀆山川位毛血埋於瘞坎送神上帝以下位玉幣牲  
一祝黍稷飯下除飯爵酒置於燎壇皇地祇以下位幣祝牲體黍  
稷飯爵酒瘞於坎 從之又啓唐制諸大祝取玉幣祝齋郎以  
俎載牲黍稷飯及爵酒宋制大祝取幣祝玉執事官以俎載黍  
稷飯爵酒諸司職掌讀祝官捧祝進幣官捧帛掌祭官奉饌  
命從唐宋制又啓望燎開元禮月日位以上諸大祝各執篚進  
神座前取玉幣祝版齋郎以俎載牲體黍稷飯及爵酒各由其  
陛降壇及望燎時每位之牲不可全體置燎考本朝諸祀序例

內以牲兩脾兩肩兩脇并脊為七體以是觀之一支是一體請

將每位牲前脚及黍稷飯爵酒燎燔且福胙開元禮取前脚第

二骨末制正脊二骨橫脊二骨今進福胙時急遽剪骨為難且

三位胙合置一俎亦難修 宗廟已行格例取第一位胙前脚

以進 從之又啓祀官及執事官進幣進酒官吏曹判書有進

俎官戶曹判書有典幣奠酒官工書判書有典祀官奉常判書

故則次官執禮壇上三品堂上贊者二通禮謁者二六贊引二外監察

二掌牲令一協律郎一上帝位皇祗位 太祖位大祝各一內外

祝史各一四齋郎各一五尊所各一六奉俎官各一外爵洗位

各一六大明位星辰位風雲雷雨位獻官王世侍從官副知通禮

一書筵官一大祝各一六祝史各一正六齋郎各一從六尊所各

一外捧俎官各一外爵洗位各一外獻官若差他官則執事官從夜

明位執事官差死夜明位東南西北海位岳瀆山川位獻官領議政

自坊則大祝各一文官祝史各一外齋郎各一外尊所各一外奉俎

官各一外爵洗位各一外應奉官禮儀使禮曹判書有近侍承判



通禮二進幣進酒官進俎官奠幣奠酒官分獻官皆有預差

從之○癸酉以議政府右贊成申叔舟監春秋館爭判軍器監

事李克堪兼春秋館編修官司憲執義韓繼禧兼春秋館記注

官 上命叔舟等與春秋館記注官姜希孟成任金之慶金壽

寧撰國朝寶鑑○吏曹啓設園丘署依 社稷署例置權務錄

事二及兼冬一兼丞則以禮曹典享司佐郎兼差 從之○女

真指俾權阿龍副司正金者羅老等來獻土物○禮曹啓上帝

犢一壁用蒼蒼帛一除絨成郊祀籩十二實以形鹽魚鱸餅

黑餅菱仁葵豆十二實以豚拍鹿醢醢醢籩十二實以形鹽魚鱸餅

仁粟黃鹿脯豆十二實以豚拍鹿醢醢醢籩十二實以形鹽魚鱸餅

一實以稻豆一實以登一實以籩一實以俎二實以

首牲俎二一腥腸胃肺小匣香爐一香合一燭二炮爵三各

祝版一有皇地祗犢一玉用黃琮黃色帛一已上席以藁秸

太祖犢一壁用蒼蒼色帛一陳設上同籍以莞席上帝尊所大

尊二一實明水著樽二一實明水犧尊二一實明水山壘二一實

玄酒一實清酒玷一爵福俎一俎籩一籩燭一爵玷玉帛篚先設

於此壇上

在北向上帝

席以藁

結皇地祇尊

所上同壇上

在皇

西北向

席以藁

結

太祖尊所上同壇上

在上帝尊所籍以莞

在皇

席有象尊二

一實明水

已上皆做前朝陳設圖

但上帝壇下尊

所徒設不薦今除大明犢一紅色帛一蓮十

實以形鹽魚鱗榛

茅黃鹿脯

豆十

實以魚鹽兔鹽鹿鹽

豆一

實以素羹仁

白餅黑餅

簠簋各二

實以稻稷黍稷

籩一

俎二

一牲肉

登一

實以

大羹

小匣一熟腸

香爐一

香合一

燭二

匏爵三

各

席以藁

結

夜明

有

犢一白色帛一陳設上同席以藁結星辰諸司職掌犢一羊三

豕三今犢一白色帛一陳設上同加釧一實以席以莞下同已

上做諸司職掌及前朝本朝陳設圖然定風雲雷雨諸司職掌

羊五豕五今各一白色帛四共盛一筐籩十實以乾棗羹仁

鹿脯豆十實以魚鹽兔鹽鹿鹽實以稻稷黍稷豆一實以

登一實以大羹羹肉實以籩一帛俎二實以羊匣加釧實以燭二俎二

一熟腸胃肺小匣香爐一香合一匏爵三各籍以莞席東南

西北海諸司職掌羊五豕五今各一青色帛一紅色帛一白色

帛一共盛一篚陳設上同岳瀆山川諸司職掌羊五豕五今各

一五色帛各一共盛一篚陳設上同已上諸司職掌及本朝例

參定大明以下尊所大尊二一實明水著尊二一實明水儀尊

二一實明水山罍一實清酒燭一東位各設於每位神座之左右

向西位各設於每位神座之右左向席依陳設例從之又啓

唐宋制皇帝親望燎瘞諸司職掌皇帝無親望燎瘞本朝親祭

時亞獻官望瘞攝行則初獻官望瘞傳曰可依本朝例又啓

祀園丘時親奠三爵無亞終獻官請權除小次從之○甲戌

都承旨韓明滄左承旨曹錫文左副承旨韓繼美同副承旨金

碩承命詣園丘與執事肄儀遣桂陽君增判內侍府事田昉賈

內醞內羞饋執事堂上官○諭諸道觀察使曰農桑生民之本

勸課之法詳在令甲然貯水糞田早晚穀播種節候尤不可失

其時也水旱雖天數人事盡則必不至凶歉我國民俗蠶桑麻

桑綿花耕種多不致意常以來貿布因此穀貴日趨貧乏此雖

民之無慧實緣官家擾奪其時而勸課乖方之所致是故年前

降諭書軍國大事外一切勿擾譬如栽植擁根待其自生萌芽  
耳卿體予意使民間無事第一考同封事目勸課第二若其欲  
速竟歸堰苗卿宜并悉其事目一穀種有早晚之異而守令一  
時分給使愚民早穀播種之時盡食晚穀種當種時官吏督之  
愚民詐為下種苟免罪責因失農業今後早晚穀趁時播種毋  
踵前轍一雖雨水適中守令徒以撙節為貴分以斗升既失其  
時至於雨水既乾節候亦晚不得已乾田播種使之失農今後  
雨澤既洽則計其田畝多少依數給種勿令失時一種子分給  
時不給口食故無知之民不為後計盡食其種今後種子分給  
時須計丁并給口食使之力農一農牛喂養不可忽也守令不  
趁時給料農牛困斃未能力農今後料豆預先分給毋使失時  
一解冰時會計付堤堰及小小渚澤皆令堅築畜水不使滲漏  
以備灌溉一木綿若糞而耘之則不擇地而茂須使民多種并  
令種麻梟然不必強之致擾一右事目大略耳然行之難則勿  
行可也此外有可行事則行之可也大要在任民便意耳○元

良哈都萬戶金多弄哈副萬戶土時等來獻土物○禮曹啓祀  
天時九位龍爵二十七代以沙臺盞匏勺九代以鑰勺 從之  
○乙亥 傳曰凡祭執事官入庭盥洗污穢之手未便今次祀  
天儀注內除盥洗又 傳曰祀天之禮近世未行之事今肇稱  
殷禮慶事甚大以祭之明目欲君臣同宴但恐調度浩繁然予  
曾見中朝會禮宴不必豐潔但成禮而已今宜倣中朝之事略  
設焉○日本國筑前州大宰都督司馬少卿藤源朝臣教賴遣  
使來獻土物○禮曹啓在前東南西海今加北海幣用黑帛一  
在前風雲雷雨在東東南西海在西今改風雲雷雨在西東南  
西北海在東 從之○丙子 親傳永寧殿香祝○傳于禮曹曰  
義州安州平安道巨邑每於大明使之來送宣醞以慰不可  
無樂可置女妓其議以啓○野人副萬戶浪松古老等五十一人  
來獻土物○傳曰予即位謁廟時不用千牛劍為其未知奉持  
節次也今亦除之又曰祀天後大酺三日古之禮也今亦欲賜  
宴于諸道何如承旨等僉曰允當○上詣 宗廟齋室○夜左

右衛將會一私第飲酒右衛軍士皆罷陣而散 上命駕前訓  
導金嶠持宣傳標信往視之命承政院待祭畢鞫之○進鷹使  
李含賚欽賜絲段一表裏回自大明○禮曹啓祀天時進玉幣  
爵酒官改稱進幣進酒官奠玉幣爵酒官改稱奠幣奠酒官  
從之○丁丑 上親享大廟○戊寅承政院啓曰祀罷還宮不  
可無歌謠 上曰可然教坊歌謠必用歌舞十五日乃昭格殿  
醮禮齋戒不宜聽樂承政院啓曰祀天時并祭星辰况醮禮乃  
攝事豈可以一星而兩祭之又皆有齋戒歟非特教坊作樂前  
後鼓吹亦不可廢 傳曰予亦大祀慶成今從卿等之言○吏  
曹啓今新設圜丘署錄事二員而無祿科請革養賢庫錄事以  
其祿科移給 從之○骨看兀狄哈萬戶劉所其大來獻土物  
○己卯成均司藝金守溫製進祀天後君臣同宴樂章其詞曰  
天眷大東聖神誕作德冠百王功加一國有嚴圜丘上帝臨赫  
肇舉殷禮神人闡懌式燕于朝霈雲霈澤載賡明良受天福祿  
○上具遠遊冠絳紗袍陳大駕鹵簿勒諸衛作長蛇陣詣圜

壇齋所百官具朝服侍衛○庚辰 上具冕服登壇行祭如儀

昊天上帝皇地祗位及 太祖位親行三獻大明及風雲雷雨

位世子行三獻夜明及東南西北海岳瀆山川位領議政鄭麟

趾行三獻其議曰時日書雲觀預於隔季以正月十五日報禮

曹啓聞散告攸司隨職供辦齋戒前祀八日禮曹啓聞請齋戒

殿下散齋於別殿致齋三日 一日於正殿 二日於祀所 凡散齋不吊喪問

疾不聽樂有司不啓刑殺文書致齋唯啓祀事前祀七日起官

執事官及陪祀宗親文武百官受誓戒於議政府其日未明七

刻通禮門設位分獻官在北南向進幣進酒官奠幣奠酒官進

俎官奠俎官異位重行在南北向西上監察二在西東向北上

禮儀使大祝典祀官祝史齋郎協律郎掌牲令雅樂令捧俎官

執尊罍篚簋者謁者贊者贊引在東西上俱每等異位重行北

上頤差亦陪祀宗親及文武百官於行事官之南文東武西俱

每等異位重行北向相對為首 宗親於武官每品一班頭別設位 大君別設位於正一品之前後

同未明五刻奉禮分引陪祀羣官就位引諸祀官及執事官

就位引分獻官就位通贊就分獻官之左西向立代讀誓文曰  
今某年某月某日殿下祀昊天上帝于圜丘凡祀官執事官及

陪祀羣官不縱酒不食葱蒜韭不吊喪問疾不聽樂不行刑

不判署刑殺文書不頒穢惡事各揚其職其或有違國有常刑

請訖通贊唱再拜在位者皆再拜乃退凡祀官執事官及近侍

之官應從升者並散齋四日宿於正寢致齋三日一日於本所

凡散齋治事如故致齋唯行祀事已齋而闕者通攝行事陪祀

宗親文武官及諸衛之屬守衛壝門者每門各護軍二人各於

本司清齋一宿工人清齋一宿宿於奉常守前祀二日議政告

太祖大王廟如常告之儀告以配神前致齋二日並集議政

府肆儀前祀一日並集祀祀官以下凡預祀者皆前祀二日

不得見諸凶穢表經其哭泣之聲聞於祀所者權斷令陳設前祀

三日忠扈衛設大次於外壝東門之外道北南向設王世子次

於大次東南西向設諸祀官執事官及陪祀羣官次於外壝

東門之外道南並隨地之宜前二日典祀官壇司帥其屬掃



除壇之上下積柴於燎壇

其壇在神壇之外方

一丈高二尺

開上南出

戶方六尺又開瘞坎於壇之壬地內壇之外方深取足物南出

陛設饌幔於內壇東門西門之外道北南向

上帝地低太祖之

南西北海之饌陳於東門外夜明及風雲雷雨岳瀆山川之饌陳於西門外

並隨地之宜雅樂令節

其屬展軒懸當壇近南北向前一日典祀官壇司率其屬設神

座昊天上帝皇地祇座于壇上北方南向席以藁秸

上帝在東地祇在西

太祖大王配位神座於東方西向席以莞大明位于太祖位

差後席以藁秸星辰位及東南西北海位俱在東西向席

以莞夜明位于當大明位在西東向席以藁秸風雲雷雨位于

夜明位差後次岳瀆山川位俱在西東向席以莞告潔畢權撤執

禮設殿下版位於壇下東南西向飲福位於壇上午陛之西北向

贊者設分獻官位二於版位之後稍南西向

頌議政又於王世子位差後

進幣進

酒官奠幣奠酒官進俎官奠俎官位於內壇東門之外道南執事

者位於其後俱每等異位重行西向北上監察二一於東南西向一

於西南東向書吏陪其後執禮位二一於內壇南門內一於內壇南門

外俱近東西向謂者贊者贊引稍南西向北上協律郎位於軒懸之  
西北東向雅樂令位於軒懸之北北向陪祀羣官一品以下於外壝東  
門外宗親及武官一品以下於外壝西門內俱道南異位重行北向監  
察二在文武班後書吏各陪其後又設門外位祀官及諸執事官於  
外壝東門外道南俱每等異位重行北向西上陪祀文官位於外壝  
東門外宗親及武官位於外壝西門外俱北向異位重行設牲榜  
於外壝東門外當門西向以北為上設掌牲令位於牲西南北向設  
諸大祝位於牲東各當牲後祝史各在其後俱西向設領議政省  
牲位於牲前近北設監察位於領議政之西稍却俱南向設望燎位  
於柴壇之北南向執禮大祝贊者在東西向設望瘞位於壇西當瘞  
坎北向執禮大祝贊者在東西向祀日未行事前典祀官帥其屬入  
設祭器實饌具實尊壘設爵洗於午陛東南北向壘在洗東加勺  
篚在洗西實以巾有篚三分獻爵洗二一於已陛東門一於未陛  
西南俱北向三篚各出宮前祀一日忠扈衛設王世子次於光  
化門外奉禮部設王世子及宗親文武百官侍立位并如常

鼓初嚴兵曹勒諸衛陳大駕鹵簿及軍士判司僕陳輿輦御馬  
並於弘禮門外分立如式前後騎步隊各具甲冑以次屯列整  
肅部伍不得喧譁宗親及百官俱集朝房鼓二嚴宗親及百官  
具朝服就侍立位左中護引 王世子具冕服就光化門外次  
諸衛各督其屬入陳於勤政殿庭侍臣就階下分左右立諸護  
衛之官及司禁各具器服尚瑞官捧寶俱詣思政殿閣外伺候  
判通禮詣閣外啓請中嚴判司僕進輦於思政殿閣外鼓三嚴  
鍾聲止闕內外門判通禮啓外辨 殿下具遠遊冠絳紗袍以出  
判通禮跪啓請乘輦 殿下乘輦判通禮啓請駕進發駕動判  
通禮挾引以出繳扇侍衛如常儀尚瑞官捧寶前導至勤政門外以寶  
載馬左右侍臣挾侍輦前如常駕至光化門外侍臣上馬所判通  
禮啓請駕小駐教侍臣上馬退稱侍臣上馬通贊傳唱侍臣皆  
上馬畢判通禮啓請駕進發駕動不鳴鼓吹 王世子及宗親  
百官鞠躬過則平身以次侍衛駕將至壇距百步侍臣下馬分  
立鞠躬過則平身駕至諸祀官具朝服出立於大次前近南北

向鞠躬過則平身判通禮進當輦前啓請降輦殿下降輦判

通禮導殿下入大次繳扇侍衛如常儀其大駕鹵簿停於次

外若也窄外王世子就次校書館官以祝版奉進近侍傳捧以

進殿下署訖近侍捧出付典祀官省牲器前祀一日未後二

刻典祀官壇司帥其屬掃除壇之上下執事者以祭器入設於

位加以巾蓋如陳設儀未後三刻議政以下應省牲器者俱以

常服就東壝門外執禮帥謁者贊者贊引先入壇下掌牲令牽

牲就位贊引引監察由卯陞升行掃除於上降行樂懸於下訖

復位謁者引議政贊引引監察升自卯陞視滌濯執事者皆與

纂告潔訖引降就省牲位南向立掌牲令小前曰請省牲退復

位議政省牲掌牲令又前舉手曰膺復位諸大祝各巡牲一匝

東向舉手曰克俱復位諸大祝與掌牲令以次牽牲詣厨授典

祀官謁者引議政詣厨省鼎鑊申視滌溉監取明水火取水於陰鑑取

火於陽燧陰鑑未能辨以井贊引引監察詣厨省饌具訖各

遠齋所晡後一刻典祀官率宰人以鑿刀割牲祝史以豆取毛

血各置於饌所遂烹牲

連皮煮熟其餘毛血以淨器盛貯祭畢埋之

奠幣祀日行事

前五刻典祀官帥其屬胙其服入實饌具畢諸位大祝設神位

版於座贊引引監察升自卯陛按視壇之上下糾察不如儀者

還出前三刻諸祀官及陪祀羣官各服其服

祀官祭服陪祀官朝服

執禮

率謁者贊者贊引入自東壇門先就壇南懸北拜位重行北向

西上四拜訖各就位雅樂令率工人入就位奉禮郎分引陪祀

羣官各由外壇東西門入就位副知通禮引左分獻官

非王世子則謁

引者謁者引右分獻官又謁者贊引各引諸祀官俱就東壇門外

位贊引引監察大祝典祀官祝史齋郎協律郎捧俎官執尊罍

篚纂者入就位北向西上執禮曰四拜贊者傳贊

九執禮有辭贊者皆傳贊

下監察以下皆四拜訖贊引引監察就位引典祀官就厨所贊

引引諸執事各就位前一刻謁者贊引各引進幣進酒官奠幣

奠酒官進俎官奠俎官入就位副知通禮引左分獻官謁者引

右分獻官入就位贊引引齋郎各詣爵洗位洗爵拭爵訖置於

篚捧詣尊所置於坫上諸祀官將入就位判通禮詣大次前啓

請中嚴少頃又啟外辨殿下具冕服以出繖扇侍衛如常儀

禮儀使導殿下至中壝南門外近侍跪進圭禮儀使跪啟請

執圭殿下執圭繖扇及寶停於門外侍衛不應入者禮儀使

導殿下入自正門詣位西向立每立定禮儀使退於左執禮曰樂作燔

柴瘞毛血諸大祝舉牲首盤毛血豆各由其陞授祝史祝史各

捧牲盤詣燎壇上加柴燔之又大祝各捧毛血豆瘞於坎執禮

曰樂止四拜禮儀使啟請四拜殿下四拜分獻官同謂者引進

幣進酒官奠幣奠酒官詣昊天上帝尊所北向立於壇下執禮

曰禮儀使導殿下奠幣禮儀使導殿下詣昊天上帝神

位前北向立執禮曰樂作啟請跪搢圭殿下跪搢圭百官近

侍一人捧香爐跪進禮儀使啟請三上香近侍奠爐進幣進酒

官奉玉幣跪進禮儀使跪請獻玉幣殿下受玉幣以授奠幣

奠酒官奠于神位前進香進幣在東西向奠爐奠禮儀使啟請

執圭俯伏興平身殿下執圭俯伏興平身同禮儀使導

殿下詣皇地祗神位前上香奠玉幣如上儀次詣配位前東向

立上香奠玉幣如上儀訖執禮曰樂止進幣進酒官以下降自

卯陞復位禮儀使導 殿下降自午陞復位初 殿下將奠配

位幣副知通禮引左分獻官王世由巳陞升詣神位前謁者引

官由未陞一時陞詣夜明位次詣風雲雷跪祝史捧香合齋郎捧香

爐跪進左分獻官三上香齋郎奠爐大祝以幣跪進左分獻官

受以授大祝奠于神位前左分獻官俯伏興平身次詣星辰位

次詣東南西北海位上香奠幣如上儀訖降復位進饌初 殿

下既升奠幣謁者引進俎官奠俎官帥捧俎官出詣饌所俟

殿下奠幣訖祝史盛鼎實牲匣進俎官奠俎官帥捧俎官各捧

牲匣詣正門外立執禮曰進饌樂作饌各至其陞將陞進

等先升奠俎官後升典祀官就本位正位三饌午陞下立東三位執禮曰

禮儀使導 殿下進饌禮儀使導 殿下詣上帝位前北向立

落請跪搯圭 殿下跪搯圭分獻官進俎官等捧牲匣在東跪

進禮儀使啓請進饌 殿下受牲匣以授奠俎官奠俎官在西

奠于神位前皆降復位禮儀使啓請執圭俯伏興平身 殿下

執圭俯伏與平身分獻同官次詣皇地祗次詣配位前如上儀訖

進俎官以下降復位樂止禮儀使導殿下降復位執禮曰行

初獻禮謂者引進幣進酒官奠幣奠酒官詣上帝尊所北向立禮

儀使導殿下詣上帝尊所北向立執禮曰樂作執尊者舉罍近

侍酌泛齊進幣進酒官以爵受酒禮儀使導殿下詣上帝神

位前啟請跪搢圭殿下跪搢圭進幣進酒官捧爵跪禮

儀使啟請獻爵殿下執爵獻爵以爵授奠幣奠酒官奠于神

位前禮儀使啟請執圭俯伏與平身次詣皇地祗位前獻爵如

上儀訖禮儀使導殿下詣上帝前北向跪執禮曰樂止大祝

東向踰讀祝文訖執禮曰樂作禮儀使啟請俯伏與平身殿

下俯伏與平身同百官禮儀使導殿下詣配位獻爵如上儀執禮

曰樂止禮儀使導殿下降復位行亞獻禮儀如初齊行終獻

禮亦如上儀但酌益齊飲福終獻畢大祝詣正配三位尊所各酌第一尊

福酒合置一酌又大祝持俎進減上帝位俎肉前脚執禮曰賜

福胙禮儀使導殿下詣飲福位北向進幣進酒官進俎官由



卯陞隨陞大祝以爵授進幣進酒官捧爵西向跪進禮儀使啓  
請跪搢圭 殿下跪搢圭 分獻官百 受爵率爵進幣進酒官受

虛爵大祝又大祝以俎授進俎官進俎官捧俎西向跪進禮儀使啓請受俎

殿下受俎以授近侍近侍捧俎降自午陞出門授司饗進幣進

酒官進俎官由卯陞降復位禮儀使啓請執圭俯伏興平身

殿下執圭俯伏興平身 百官 禮儀使導 殿下降復位執禮曰

四拜禮儀使啓請四拜 殿下四拜 百官 執禮曰徹籩豆樂作

諸大祝各徹籩豆 籩豆各一 執禮曰樂止執禮曰樂作四拜禮

儀使啓請四拜 殿下四拜 百官 執禮曰樂止禮儀使啓禮畢

導 殿下還大次至中壝門外禮儀使啓請釋圭近侍跪受圭

待衛如常儀副知通禮引左分獻官出執禮曰望瘞謂者引右

分獻官詣望燎位執禮帥贊者詣望燎位諸大祝各詣上帝配

位大明夜明星辰東南西北海神座前以籩 取幣祝版 祝史以

俎載牲 體前一 黍稷飯 除飯 及爵酒各由其陞降詣燎壇以幣祝

版饌物置於燎柴執禮曰可燎東西面各六人以炬火燎半柴

典祀官壇司監視次詣望瘞位請大祝詣皇地祗海岳瀆山川

神座前以篚取幣祝史以俎取牲體此也黍稷飯及爵酒各由

其陛降置於坎執禮曰可瘞置土半坎典祀官壇司監視謂者

贊引各引諸祀官出執禮帥謂者贊者贊引選本位奉禮郎分

引陪祀宗親及文武百官以次出贊引引監察及諸執事俱復

拜位執禮曰四拜監察及諸執事皆四拜訖贊引以次引出雅

樂令帥工人出執禮率謂者贊者贊引就拜位四拜而出典祀

官藏神位版徹禮饌以降乃出遂宮如來儀 大駕至老人歌

謠所判通禮跪啟請小駐進訖啟請駕進至儒生女妓歌謠所並

所每呈才皆 ○申時 御勤政殿受 王世子及百官賀其

儀曰鼓二嚴宗親文武百官以朝服詣勤政門外諸方客使鼓

三嚴奉禮郎分引三品以下宗親文武百官入位樂作 殿下

陞座樂止副知通禮引 王世子王世子具冕服入就位樂作

典儀唱四拜 王世子四拜樂止宣箋官升自西階進 御前

府伏跪典儀唱跪 王世子跪宣箋訖樂作典儀唱四拜 王

世子四拜樂止典儀唱跪擗圭三叩頭 王世子三叩頭唱山

乎 王世子曰千歲唱山呼曰千歲唱再山呼曰千歲俯伏

興平身樂作唱四拜 王世子四拜訖樂止副知通禮引 王

世子出次奉禮郎分引宗親文武二品以上入就位引客使入

就位 人 倭 東 野 樂作典儀唱四拜訖宣百官箋及呼千歲拜禮節

次與 王世子儀同近侍稱有 教典儀唱跪百官跪頌 教

訖樂作典儀唱四拜百官客使俯伏興四拜訖樂止引客使出

判通禮啓禮畢將復位樂作 殿下還宮奉禮郎分引宗親文

武百官出國初設圓壇於國南祀天 世宗定制革之至是始

復 王世子箋曰體元居正方啓大平之基尊祖配天肇舉明

禋之禮事光簡策喜溢臣民恭惟聖敬躋湯大孝協舜昭事上

帝克盡如在之誠懷綏百神咸秩無文之祀四方來賀萬福攸

同伏念猥以孱資覩茲盛典承祧主宅雖愧元良之稱侍膳問

安倍上康寧之祝百官箋曰受錄膺圖方開景運報本及始式

舉明禋喜溢臣工慶延 宗社恭惟溫恭濬哲剛健粹精殷禮肇

稱享上帝而配 皇祖天休滋至歛五福而錫庶民屬熙事之告  
成宜彤庭之展賀凡在動植莫不歡欣臣等叨叅駿奔獲覩盛  
羨以享以祀載賡周雅之詩多壽多男聊伸華封之祝其教曰  
予以否德夙夜兢惕乃於景泰八年正月十五日親祀天地及  
諸百神于園丘以 皇曾祖考太祖康獻大王為配大事既成  
宜廣景福茲當與民更始豈宜尚念舊惡自景泰八年正月十  
五日昧爽以前除謀反大逆謀叛子孫謀殺毆罵祖父母父母  
妻妾謀殺夫奴婢謀殺主謀故殺人蠱毒魘魅但犯強竊盜外  
已發覺未發覺已結正未結正咸宥除之敢以宥旨前事相告  
言者以其罪罪之其合行事件條列于後於戲永言配命克盡  
昭事之誠一視同仁誕布寬大之澤一京外文武百官各加一  
資祀天 祭及 宗廟春享大祭預告祭諸執事又加一資堂上  
官及資窮人代加一資宗親則族親中一人從自願加一資一老  
人亦依松都例加一資都城老人及成均館四部學堂學生賜  
酺一告身收取人隨罪輕重還給○辛巳議政府領議政鄭麟

趾等以 上定策靖難永安 宗社肇稱殷禮親祀南郊稱述  
功德請上尊號其箋曰聖人大德蔚啓泰亨之期臣子至誠欲  
上徽美之彌俯垂睿鑑優納卑懷恭惟協舜欽明邁湯勇智拔  
亂反正 宗社綿億載之洪休尊祖配天禮樂回三代之盛制  
茲值精禋之舉敢薦丕顯之稱請上尊號曰承天體道烈文英  
武伏望曲循輿情亟賜俞允以答臣民之誓願永示子孫之儀  
刑巍平功煥乎文益有光於青簡手之舞足之蹈庶少伸於丹  
衷○御勤政殿簷下行會禮宴宗親三品堂上官以上及承旨  
六曹參議注書史官於東階上議政府六曹參判及三品堂上  
官以上於西階上野人都萬戶金多弄介史官亦於西階上稍  
南坐陪祭宗親為一位侍臣為一位百官內文臣為一位倭人  
為一位在殿庭東郊祀及 宗廟春享祭預告祭諸執事為一  
位侍臣為一位武官為一位野人為一位向化受職者為一位  
在殿庭西宴初宗親百官就殿庭位 上飲郊祀福酒次 王  
世子次獻官諸執事訖 上又飲春享祭福酒次 王世子次

獻官諸執事訖

王世子率百官致詞上壽禮訖各就坐宴將

半賜倭上官人三各綿紬三匹虎豹皮各一張副官人一綿

紬二匹虎皮一張野人一等一人鞍具馬一匹條環一腰刀子

藥囊二等八人馬各一匹青木綿一匹紅木綿二匹角弓一張

條環一腰刀子藥囊三等二十一人無馬餘物上同四等八十

二人各青紅木綿各二匹刀子各一倭野人皆叩頭拜謝○命

禮曹正郎李漢謙刑曹正郎金良璫兵曹正郎具信忠鎮撫崔

賜起賚酒肉饋修園丘軍人六百餘于弘禮門外又賜耆老

宰樞宴○忠清全羅慶尚道都巡察使朴薑副使具致寬等啓

慶尚全羅忠清道諸鎮諸浦巡審合行事件逐一開坐一前此

南邊多設水軍而陸兵過少大抵島夷長於水戰而短於騎戰

我國長於騎戰而短於水戰彼雖善水戰我不以戰艦應之而

引以自北使之下陸用我長技以騎兵臨之庶合禦寇之策慶

尚左道自寧海至慶州甘浦海路險惡無島嶼雖有水軍又不

慣行船脫有賊兵猝至無以禦之須用陸軍庶得盡我長技今

見興海郡北距寧海府南至長髻縣各八十餘里賊若徑由  
長髻冬乙背串則直抵興海實為要衝之地合置巨鎮然本郡  
地窄民少用傍近清河縣及迎日縣北面注津以北慶州任內  
神光等地合屬為鎮革寧海丑山浦興海漆浦長髻包伊浦其  
船軍移屬為便迎日距冬乙背串六十餘里不必防戍長髻則  
通望海路實賊路要衝今革迎日屬長髻置鎮為便寧海置鎮  
雖久地窄民少而盈德距寧海二十八里且民戶過少不宜置  
縣今合屬寧海鎮為便一諸道都節制使營兵只一百主將孤  
弱况慶尚道倭人往來盡知虛實尤不可示弱且所在邑守令  
以為不關已事營廨圯而不修請依平安道例以本營所在邑  
守令兼差慶尚左道則於蔚山郡以附近彥陽縣合屬右道則  
於昌原府以附近漆原鎮海兩縣合屬全羅道則於羅州以務  
安縣合屬忠清道則移置洪州以結城縣割屬並升為大都護  
府都節制使兼差判府事加設少尹判官兼治軍民之事一諸鎮  
戍軍容兵則羈旅異鄉往來自困必不樂赴敵土兵則護惜鄉

里勢必力戰請自今先用本邑軍士定為戍兵額數不准然後  
用隣邑軍士充定一諸道沿邊諸邑侍衛牌則京中番上內地  
諸邑營鎮軍則海邊赴防來往之間皆自取因如有賊變深遠  
之地番下軍士及期徵聚為難請相換定屬一蔚山開雲浦哀  
邇都節制使營又在鹽浦徐生浦之間不須差萬戶多泊兵船  
然開雲浦邊海生聚繁夥釣魚倭船多由鹽浦而過守護亦不  
可不謹今革開雲浦萬戶而其兵船水軍移屬鹽浦用輕船三  
四艘泊開雲浦輪次守護一東萊熊川等鎮倭人恒居之處故  
守令皆以武人差下多失接待事宜以致忿怨有違大體且守  
令有故則點計客人尺量船隻等事專委萬戶及監考通事等  
尤為未便今革機張縣合屬東萊以昌原私峴北面安民驛等  
地割屬熊川縣請於東萊熊川並加設判官以諳練人負差下  
一海雲浦距東萊鎮九里距富山浦十五里水陸防戍處不遠  
今革海雲浦於本浦海雲臺北邊山麓設木柵以東萊鎮軍五  
十名守護一全羅道都節制使營今若移置羅州則長興海



南等處不可無防戍今於兩官中央康津縣設鎮置軍四百名以本縣漏戶刷定如不充額則令觀察使以革罷加定軍內閑良人充定一全羅道順天突山浦東有內禮北有呂水石堡距海隔遠防禦不緊今革突山浦其舩軍分屬內禮呂島興陽築鼓浦距本鎮不遠東有鉢浦西有鹿島浦口相望今革築頭浦其船軍分屬鉢浦鹿島珍島金甲島南面近東而南挑浦南面近西防禦最緊沙月串則東面近北縮排所可浦則西面近北縮排今革沙月串所可浦其船軍各還本浦且金甲島防禦最要軍數亦多不宜只置權管宜置萬戶一忠清道保寧高靈浦與處置使營相距不遠不宜別置萬戶今革萬戶其舩軍分屬處置使營及左道都萬戶營大津是京畿忠清兩道之寬防禦不緊今於兩道海口中央難地島以唐津浦及大津兵舩合泊革萬戶一負波知島海門要衝而無兵舩乃退泊於瑞山所要項十餘里之地其勢不宜今移泊波地島為便一沿海諸鎮地窄民少名為軍門而單弱况軍民之事至重不可以地窄獨設

一負全羅道茂長鎮則高敞興德扶安鎮則金堤萬頃沃溝鎮則臨陂忠清道藍浦鎮則庇仁保寧尊城鎮則瑞山各以附近合屬並置亞官可否相濟則雖欲犯法必不得恣行軍門亦自阜盛唯藍浦鎮東距全羅道之境西距慶置使營最近南面又有右道叅萬戶不須置鎮請於近東庇仁邑城移鎮置戍一自慶尚道尚州洛東江至草溪沙器所其間灘流皆可行船宜置水站且金海都要渚雖本有船隻然距薺浦九十里至富山浦七十里倭人帶來之物輸轉為難請於梁山東院津東邊置水站以傍近金海梁山公賤定為站夫令梁山郡守管察一忠清道安眠串入海百有二十里不宜人民聚居且有松木慮恐盜夫雜人所代殆盡請刷出居民令泰安瑞山等邑及慶置使禁伐一慶尚道巨濟縣有水登浦玉浦知世浦助羅浦浦吾兒浦一邑五處防戍過多而知世浦助羅浦浦口虛闊且皆沙石下碇不固自知世浦至西南間石山高險民居隔遠而水登吾兒玉浦等三浦分列巨濟守護不為不足今革知世助羅兩浦

其船軍移屬玉浦防禦一巨濟縣海中絕島雖有水軍萬一水戰失利則用守城軍一百人防戍至為單弱若革知世助羅等浦則兩處全無軍卒尤為不可請於兩浦中央築石堡新置口于萬戶以兩浦軍六百人移戍一所非浦在唐浦赤梁中央實要害之處合置戍兵而柯島則東有唐浦西有赤梁賊船往來實難况柯島水路三十餘里援兵隔遠今於所非浦仍舊泊船增置戍兵其萬戶以所非浦稱號一前者以下三道諸營鎮及諸浦軍官率以權知直長令史別軍等雜職去官人自舉虛費公廩防戍虛踈甚為不可請自今都節制使處置使軍官內一人以前銜朝士中有武才者差定都鎮撫稱銜待滿二周依京中前銜別坐例叙用其餘軍官及都萬戶軍官防禦最緊如東萊熊川等鎮軍官並以下番京軍士內有武才人從願差定依平安咸吉道例周年防戍後計日給到一營鎮軍本無勸勵之法船軍雖三年一次授海領職然以仕到多少叙用而全不試才故非唯不能貫革亦有不詳控絃者自今都節制使處置使

春秋試才營鎮軍則以百八十步直過二矢騎射五發四中以上者為一等百二十步二矢中騎射五發三中以上者為二等百步一矢中騎射五發二中以上者為三等船軍則百八十步直過二矢熟諳水路難易能為棹櫓施用懸帆下碇者為一等百二十步二矢中慣於行船者為二等百步一矢中慣於行船者為三等其中願并試騎射者聽第其高下啓聞營鎮軍授散官職船軍海領職其習射行船能否船上器械虛實或遣兵曹郎官或教差官不時點檢如有不用心者論罷一平安咸吉道甲士都節制使同觀察使試才中格者稱為充補甲士分送諸鎮及口子防戍憑考矢數及仕到授實職今見下三道沿邊諸鎮軍士數少防禦疎虞請依兩界例本道取才中格者稱為充補甲士分戍傍近營鎮考仕到矢數差甲士職番上宿衛命下兵曹議之兵曹啓依啓本施行其諸邑沿革稱號等事令吏曹擬議從之○朴董等啓巨濟縣令李孟保盜殺非進島叢島放養牛六首又托言進上奪人早稻自知其罪而逃殊無士行

命下司憲府○壬午中宮設宴于內殿命功臣之母赴宴又命  
召都鎮撫洪允成尹巖當直宰樞朴居謙沈決金處義承旨及  
吏曹判書權學判宗簿寺事權學兵曹參議韓終孫判繕工監事  
柳泗上護軍趙得琳洪順老司僕少尹薛繼祖韓瑞龜司宰副  
正權學饋于思政殿月廊 上出御思政殿各親賜酒謂學等  
曰今日卿等之母赴宴其子不可不召故特令召之其各醉飽  
乃率巖學入內殿命曰卿母在此使卿等就此行酒○傳于吏  
曹曰郊祀及 宗廟春享預告祭諸執事內實行通政職事者  
拜堂上官雖資窮未行實職者准職叙用○癸未掌令金德源  
獻納裴孝崇等將本司議啓曰今郊祀執事實行通政職事者  
超拜堂上官則後日因郊祀求堂上官者或有之堂上官非因事  
可得也請收是命 從之○傳旨吏兵曹曰京外文武官加資  
時前銜口陳成衆官權知雜職及例宜除授人等加資節次與  
後次加資時加資前月數通計寺事一依壬申年例施行宗親  
及堂上官貧窮人代職從自 遠近族親中一人加資諸執事內

堂上官資窮人及水膺大君琰桂陽君增右贊成申叔舟禮曹判書朴仲孫判內侍府事田昉等八職從自願遠近族親中或一人加二資或二人各加一資僉內侍府事安忠彥同知內侍府事李存禮曹佐郎權得經注書鄭垠梁順石依執事例又加一資○傳于承政院曰予聞功臣等漸至懈弛怠於治事有降職之罰又有他懲戒之事其令吏兵曹戒勅諸司且功臣等犯法予每勿論因是會不悔悟甚者知非故犯今後三次勿論而猶犯法者政院其檢舉以啓○以朴仲孫為議政府右叅贊洪允成禮曹判書閔瑗禮曹叅判金末藝文提學金滉同知中樞院事李純之漢城府尹金禮蒙戶曹叅議李克培禮曹叅議李延孫工曹叅議金淡李禮孫命知中樞院事朴興藝行龜城郡事興藝平寧越郡吏有膽略吏幹由武舉而進又能廉謹勤儉嘗在世宗朝新設三水郡舉興藝為守興藝開榛莽立治所安集邊氓撫綏士卒措置得宜一郡賴之後為北青府使以政最聞成奉祖為觀察使特薦于朝及議置是郡以興藝為敬差官

特陞僉知中樞以獎之。又議安集新徙之民，必久於其任，乃可有成。改知郡事年七十矣。及至郡，晨出夜入，分土田，奠民居，不少懈弛。○兵曹啓諸道程驛察訪擅騎驛馬來往本家，累月留連，一應公務，慢不致意。因此驛路虛踈，請自今雖父母妻疾病，一依觀察使首領官例，許令子弟上言承諭上來，違者啓聞論罷。從之。○京畿分臺兼掌令趙秋馳啓曰：陽城縣監甄丕明以奉常寺沉藏庫所納苦黃付所職，呂弓未等代納給軍資，穀米七石，其交結受賄，明甚而俱拒不服，請拷問石明、弓未等，忠清道分臺兼執義尹岑亦馳啓曰：大興縣監趙秀武或代納貢物，或販賣民間，且義倉之穀多收斛面，橫斂於民，非一請鞫之。命下司憲府。○甲申，大司憲元孝然、左司諫權愷等上疏，其略曰：臣等累日廷諍，以言以疏，至再至三，屢瀆天聰，聖訓丁寧，懇惻切至。臣等亦未敢固爭，退而循省，反復思之，誠以事關宗社，義不可得已也。茲復披露肝膽，昧死以聞，恭惟我國家聖繼神承，維持宗社，及至上王，宗社將不能安寧也。則惟天

惟祖宗默佑我 殿下使主我朝鮮之社稷然則當與一區之人共守而保安之豈可不循公議而不恤社稷之可虞乎去年六月之變姦臣餘孽實欲圖其社稷而 上王感於邪謀而許謬向使其計得遂則將置 殿下於何地我朝鮮之社稷將何賴焉當時國人皆以為 上王宜遜避出居于外然以 殿下至誠事之未敢輕發也今則一國大小臣僚不忍憤憤合辭諍之衆怒如此則天意可知且 殿下之於 上王以公義則 上王已自絕於 宗社以私恩則 上王已自負於 殿下矣 殿下雖欲竭誠以保終始其於衆議何其於天意何其於 宗社大計何不允○諭忠清慶尚全羅江原黃海咸吉平安道觀察使節制使處置使等曰本月十五日親祀南郊大禮既成宜同大慶已與宗親文武百僚同宴第念卿等分憂閩外未得親酌茲特賜宴聊共一歡○乙酉日暈○吏曹據讓寧大君提等上言啓正統八年十二月初八日教旨文獻通考漢光武子十人皆封王嫡子嫡孫皆襲封王衆孫衆曾孫或封列侯或封鄉



侯亭侯西晉恭皇子不得為王而諸王之支庶皆皇家之近屬  
至親亦各以土推恩始封王之支子為公承封王之支子為侯  
繼承封王之支子為伯唐皇兄弟皇子為王諸王子嫡者封郡  
王其衆子封郡公高祖受禪以天下未定廣封宗室以威天下  
皇從弟及姪年始孩童者數十人皆封為郡王太宗即位因舉  
屬籍問侍臣曰封宗子於天下使乎封德彝對曰不便歷觀往  
古封王者今日最多兩漢以降唯封帝子及親兄弟若宗室疎  
遠者非有大功並不得濫叨名器所以別親疎也先朝敦睦九  
族一切封王爵命既崇多給力役蓋以天下為私殊非至公馭  
物之道也太宗曰然朕理天下本為百姓非欲勞百姓以奉已  
之親也於是率以屬疎降爵唯有功者數人得王餘封為縣之  
宋王子之為王者封爵僅止其身而子孫無間嫡庶不過承蔭  
入仕為環衛官以序而遷必須歷任年深德齒稍尊方特封以  
王爵而其祖父所授之爵則不襲也禮曰諸侯之別子為祖繼  
別為宗繼禰者為小宗又曰四世而總服之窮五世袒免殺同

姓也六世親屬竭矣蓋以親盡則服窮服窮則息禮亦隨而殺矣今宗室爵秩參酌古制及禮經當據五服為定王子內中宮之子封大君側室之子封君皆正一品無資王孫將承襲者從二品衆孫正四品曾孫將承襲者正三品衆曾孫從四品玄孫將承襲者從三品衆玄孫正五品當承襲者父歿承襲後王孫則從一品曾孫則正二品玄孫則從二品將承襲者父未承襲之前依支子例諸孫內良妾之出各降一等在前每一等一資不可當依文武官例用二資正一品顯祿大夫興祿大夫從一品昭德大夫嘉德大夫正二品崇憲大夫承憲大夫從二品中義大夫正義大夫正三品明善大夫彰善大夫從三品保信大夫資信大夫正四品宣徽大夫廣徽大夫從四品奉成大夫光成大夫正五品通直郎秉直郎從五品謹節郎慎節郎正六品執順郎從順郎為人良謹者特旨加資又依古列侯鄉侯之制一品稱鄉二品稱尹三品稱正四品稱令五品稱監六品稱長以部曲鄉里之誦封之將承襲者至二品則封君袒免親依異

姓有服親例敘用親盡則入仕依文武官例今若宗親隨例加資則宗親本無行職隨資給祿為難請依前教旨除宗親之子代加以女壻一人從自願加資叙用又東西班各品及口傳前銜人內考滿三十月則並超資務功已滿十五月宣務當次者超加宣教宗親及通政以上族親代加散官職年十六歲以上者除授通訓以下自願代授者亦依堂上官例限五品而止從之○丙戌 御勤政門受朝叅火刺温甫富可等二十三人隨班獻土物○遣中樞院副使權聰奉表如大明謝賜綵段表裏其表曰帝德丕冒克篤懷綏睿澤覃施深增感激揆分踰望銘骨何忘伏念猥以謏材幸逢熙運叨守敝服愧無報於絲毫豈意聖慈遽加恩於筐篚驚惶罔措荷戴難堪伏遇度廓包容仁敦涵育憐臣享上之懇諒臣事大之誠遂令微軀獲蒙寵渥謹當夙興夜寐常存挾纊之懷地久天長奉永垂衣之化方物表曰天貺聿臻祗荷寵渥土宜雖薄聊表謝忱謹備黃紵苧布一十匹白細苧布一十匹黑細麻布二十四匹黃花席一十

張滿花席一十張雜綠花席一十張右件物等製造匪精名般甚熟敢克及物之享用効獻芹之誠皇太后禮物紅細苧布一十匹白細苧布一十匹黑細麻布一十匹○丁亥司憲府啓文義縣令崔汝激懷德縣監姜循聽營吏河圖之請令代納司宰監船隻叢公差收布貨及米九十九石九斗侵督窮民轉輸圖家汝激循已收告身圖雖以自備船代納已為非法况借人之船詐稱已物冒受文引實不充納而剝民收價悉以米布輸家不可以赦前置之請以圖永屬殘驛吏來布還主從之○戶曹啓令濟用監見在狐皮計一千三百九十張足以支用請蠲今年諸道應貢狐皮五百三十張以紓民力從之○戊子傳于禮兵曹曰將以本月二十五日視學二月初五日重試文武士其辦諸事○議政府左叅贊黃守身啓曰臣等前請上王爭未得蒙允望殿下斷以行之傳曰不可斷者非一卿等勿復言○以廣興倉使安仲聃副使朴輝丞成裕李經世監察李丙奎頒祿時不能節人出入爭聚躡籍以致人死命皆

罷職○諭忠清道節制使鄭種曰卿以一方元帥職任匪輕頃以歲時覲親私通書狀於政院不待予命擅離軍門經歸他道曠旬廢事罪在不貸姑從寬典置而勿論卿宜改行勿復如此○傳于校書館曰趙孟頫所書證道歌紫芝歌木板立簿藏之印出廣布○己丑 御思政殿受常參視事 命武舉觀試額

數依舊取百人鐵箭木箭從願試之一樣給分騎射勿帶甲○諭江原道觀察使曰流亡戶口不宜并定貢物向已命卿從見存戶口數照勘以啓其速舉行殘驛轉運奴婢以傍近住居屬公奴婢及諸司奴婢充定木綿桑麻勸民耕種新舊堤堰更加堅築貯水灌溉然勿欲速迫民講武場審定從簡以啓○兵曹啓武舉親試事目一講陣法相通以上者赴試一二百步二矢一百二十步侯五矢三十步小的五矢一騎射騎槍各一次一給分依殿試例一重試講陣法相通以上者赴試一武經七書兵要中自願講一書一百二十步侯五矢三十步小的五矢一騎射騎槍各一次一給分依殿試例 從之○庚寅 上詣

成均館謁聖 御明倫堂視學發策試諸生其策曰予欲置巨鎮於西北要害之處如何而得宜乎楮幣之用何如而可乎其悉陳之以議政府右贊成申叔舟吏曹判書權擘藝文館提學金末為讀卷官以同副承旨金瑬禮曹參議李克培禮曹正郎李季專為對讀官○同知中樞院事金淳上書曰臣以不才濫蒙 上恩唯勤供職於景泰六年十月以正朝使赴京回到義州聞祖母之訃奔喪歸慶尚道靈山纔逾小祥起復臣除同知中樞院事驕駭感激竊伏惟念臣庸劣無關起復除職感愧交集同知攸措伏望收還成命俾終喪制不允○辛卯大司憲元孝然左司諫權愷等將本司議啓曰臣等前請上王事待命有日尚未蒙允 傳曰上王當春和時避居瑜家計已定矣孝然等更啓曰上王既自絕於 宗社固當避居於外竊恐謀亂之人繼踵而起 傳曰凡事皆由天命豈容人為孝然等更啓曰謀從衆則合天心今朝廷百官同然一辭天意可知 殿下固不可違天而廢公義 傳曰卿等之意予已知之勿復言○壬

辰受常察視事

命留桂陽君璿義昌君玘密城君琛左贊成

姜孟卿禮曹判書洪允成都承旨韓明澮右承旨尹子雲當直  
都鎮撫奉石柱花川君權恭等侍食 上謂孟卿曰卿本有疾

今當春尚有餘寒 賜毛衣一領○賜文科姜子平等十三人

及第○癸巳以鄭昌孫為議政府右議政姜孟卿左贊成朴元

亨吏曹參判金淳刑曹參判○司憲府據江原道分臺燕執義

金瑞陳啓本啓高城郡事許銖所犯雖已經赦然奪民鹽竈又

漁取民戶麻臬結網捉魚布紙等物亦多橫斂不可以赦前釋

之請罷銖職其橫斂物件沒官 從之○傳旨司憲府漢城府

曰禁令太多冗雜有司不能遍舉民間騷擾誤掛刑憲者多今

後五十條件內父母不孝兄弟不和隣里不睦者踈薄正妻忤

愛嬖妾者良賤相婚者無故棄妻者牛馬宰殺者自死牛馬不

申官開剥者移來移去者及牛馬皮肉著標掩骼埋胔禁火舊

秤子考察事丐乞人及遺棄孩兒無親族寄食他家者救恤事

諸司奴婢生產物故守信寡婦適他者夫喪三年內改嫁者不

立祠堂者過期不葬者無標牛馬肉放賣者年壯處女成婚物  
故人檢屍推考事外雖各年受教之事並勿舉行○甲午日暈  
○讓寧大君禔率諸宗親領議政府事鄭麟趾率六曹叅判以  
上啓曰臣等前請之事近因國家多事未暇仰煩 聖聰日望  
殿下速決無留 傳曰卿等之言是矣自古帝王之興必有天  
命予之事亦天命也若有姦人豈賴上玉而竊發亡秦者胡也  
天命豈可圖之麟趾等更啓曰不可委之天命當盡人事耳請  
出居于外以避嫌疑 上手札示之曰國之大事臣當先庚後  
甲熟思博議生後度棄前量子料計數月窵端千億今乃定之  
卿等不可以固執予亦不可以獨斷不有固執何取於國論不  
有獨斷何稟於一人其令修理瑜家嚴其禁防約其侍從出居  
焉可也政府其更議啓○以幹朵里馬朱音波為阿木河等處  
都萬戶朴毛都兀弄草等處副萬戶兀良哈良松古老同良北  
等處萬戶塞列乞副萬戶之弄可仍邑包等處副萬戶○司憲  
府府平陵道察訪朴文府稱造館舍授驛吏希贊等七人監各



一石而重收米布且驛無屯田亦稱為屯田每一人春給雜穀一斛秋收十斛驛吏之有罪者亦不據法論決勒令收贖雖經赦宥不可寬貸請錄賊吏案令本道觀察使推徵賊物從之○慶尚全羅忠清道都巡察使朴薑副使具致寬等馳啓曰曾論書慶尚道昌原蔚山沁邊巨邑不可無城堡議者云兩邑皆近節制使之營雖有事變入保不難可以應援又云倉庫不可置之無守之地築城不可緩也斯二議遙度為難卿等其審定築城緊慢及其他沁邊築城緊要之處以聞臣等伏審蔚山昌原距節制使營甚近而節制使營城廣闊倘有事變入保不難不必別築邑城且蔚山則軍資義倉並在本府故今令移置營城內且其他沁則軍資在營城而義倉在本府故今令移置營城內且其他沁邊邑城可築蔚山則柳浦只設木柵防禦虛踈當於本浦古烟臺南築石堡熊川則倭人所居邑城甚窄當於邑城西移築全羅道康津則無邑城當於客舍東築之扶安則山城只置官舍而城內狹隘倉庫軍營皆在城外當於古客舍基地移築羅

州則曾以邑城狹隘已令屢築而至今未就然近來連年凶歉  
遽興土役為難須待豐年先築康津城次次漸築 命兵曹議  
之兵曹啟慶尚道柳浦熊川全羅道康津等邑皆防禦最緊必  
待豐年築之則似為遲緩請役傍近諸邑人築之從之○二月  
乙未朔鄭麟趾率百官上書曰前日臣等以上王不宜在都城  
屢陳危懇未蒙肯允退而思之輾轉于中復冒天威不任兢  
惶竊惟 太祖應天順人化家為國 列聖相承重熙累洽  
宗社安如磐石不幸上王幼冲權姦締結禍變斯迫當是時不  
有殿下明炳幾先仗義靖亂則一國臣民幾為糜爛矣於是身  
兼將相整理庶務修明軍政登用賢才罷黜尸素一以至誠丁  
之不計一身之利害天地鬼神實鑑精忠不期餘孽未殄忌  
殿下之功高權重復扇兇謀人心洶洶上王自知不堪重負以  
殿下有功有德 宗社之所倚賴臣民之所屬望禪位 殿  
下殿下牢讓不獲勉登大位事上王盡誠盡禮有耳目者所共  
聞見也不意瑤之遺黨圖欲釋憾利上王之幼弱籍以為亂交

通宮禁乃於使臣宴會之日欲行大事上王助其陰計禍在呼吸若非天地之所相神明之所佑則殿下一身危亦甚矣而宗社生靈之禍可勝言哉臣等竊念殿下之於宗社中興之烈甚大上王既不能鎮定社稷則殿下以文宗之介弟又有蓋世之大勲宗社之歸於殿下非上王之私恩乃天地祖宗之心也而上王敢與姦臣謀殿下是自絕于天自負殿下而得罪於宗社矣豈宜居都城之中享一國之奉養乎當以大義處之國論定之事關宗社非殿下之所得而私也伏望早為之所遷之都外約其侍從嚴立禁防以絕險小之私通使上王優游自適任便閑居則殿下於上王亦得全始終之私恩而待之之禮未為薄矣天下之事貴於決斷失於遷延今萬口一辭而殿下堅執不聽固非社稷之長計也俯從眾願不勝幸甚御書示之曰昨日予書盡之矣○禮曹啓火刺溫都司甫當介等二十三人不受酋長印信書契而來都節制使皆許上送請自今須令憑驗以送從之○傳旨刑曹曰賜臨

瀛大君璆永膺大君琰延昌尉公主奴婢并三十五口桂陽君  
璿翼峴君璉領中樞院事尹師路右贊成申叔舟吏曹判書權  
擘兵曹判書洪達孫都節制使揚汀都承旨韓明澮前僉知中  
樞院事尹士盼奴婢并三十口讓寧大君禔孝寧大君補義昌  
君五密城君琛寧海君瑋清平尉公主青城尉翁主永順君溥  
坡平君尹巖領議政鄭麟趾率左議政韓確右議政鄭昌孫左  
贊成姜孟卿禮曹判書洪允成同副承旨金礦判內侍府事田  
昉奴婢并二十口敬寧君裨咸寧君裨益寧君裨率判中樞院  
事金孝誠率韓山君李季隣判中樞院事李季甸前大司憲崔恒  
都節制使柳洙前藝文提學尹士昉同知中樞院事奉石柱上  
護軍趙得琳奴婢并十五口雲城府院君朴從愚判中樞院事  
李澄石率左叅贊尹炯右叅贊朴仲孫都觀察使權蹲僉知中  
樞院事柳河奎慶義判繕工監事柳泗宗溥少尹柳子煥兼司  
僕尹郭連城護軍崔潤李蒙哥奴婢并十口花川君權恭左叅  
贊黃守身知中樞院事朴董吏曹叅判朴元亨兵曹叅判具致

寬同知中樞院事康袞卒西原君韓明潛雞林君李興商大司  
憲元孝然左承旨曹錫文右承旨尹子雲左副承旨韓繼美市  
曾參議黃孝源卒兵曹參議李禧長觀察使曹孝門禮曹參議  
李克培兵曹參議韓終孫僉知中樞院事權軀崔濡知兵曹事  
權愷判軍器監事李克堪判宗簿寺事權攀成均司成鄭守忠  
上護軍柳淑大護軍林自蕃安慶孫洪純老司僕少尹韓瑞龜  
典農少尹宋益孫內資少尹薛繼祖副正權擎洪順孫司直林  
芸奴婢并六口並以亂臣外居奴婢充給○江原道分臺兼執  
義金瑞陳啓大昌道察訪尹禮卿聚斂驛吏布貨等物贈遺諸  
處請鞫之 命下司憲府○丙申 親傳文宣王祭香祝○吏  
曹啓行咸安郡事林繼中以靖亂三等功臣自蕃之父超授奉  
旨又加奉直代自蕃直子職超授通德又加朝奉今又加朝散  
繼中既以自蕃之父超資授職又代授自蕃之子之職有違於  
例請改正從之○戊戌趙孝禮居母喪令父荆上言請赴武舉  
重試承政院以啓 傳于憲府曰禮義之風浸薄專由此輩其

推覈以啓○己亥日暈○上御勤政殿親策文科重試策曰盜賊日熾六畜不蕃軍器不鍊此三者思之而未得其要子大夫悉心以對以右議政鄭昌孫藝文大提學李邊為讀卷官右承旨尹子雲右副承旨權摯判軍器監事李克堪對讀官幸慕華詔試武舉初試及重試饋野人倭人等命野人射侯且射毛毬遂至潛邸舊居 召扈從宗宰置酒 上曰此吾豐沛也昔漢高曰富貴不歸故鄉如衣繡夜行召沛中父老置酒歌大風以采之諸卿亦我沛中父老也今日之事得無近之歟極歡而罷○庚子日暈○御慶會樓下試武舉初重試 命都鎮撫及室樞射侯投壺○命還給沈沆告身○議政府議啓上王殿酒房宦官二人長番宦官二人門差備速古赤四人別監四人並分二番侍女十人水賜五人卜只二人水母二人房子四人兩別室侍女各二人水賜各一人各色掌二十人分二番一德寧府官負輪次晝直一大妃兩別室本宅宦官侍女本家通問及凡物出納每三日德寧府告承政院一三軍鎮撫二人率軍士十

人把門直宿一若有內出及凡諸啓達事德寧府來啓夜則三  
軍鎮撫令軍士啓達從之○吏曹啓文昭殿久任一員未  
能通察諸事請加設一員從之○吏曹據京畿觀察使李承  
孫啓本啓去丙子年臨江長湍臨津合為一邑以臨津為治所  
臨江長湍官奴婢人吏遷徙旅寓其弊不小且兩縣人吏羸糧  
來往之弊亦不貲舊桃源驛基在三邑中央道里適均請移治  
所從之○辛丑日暈○賜文科重試權知承文院正字李永  
垠等二十一人及第時有一文臣少以吏術進不閑綴文操紙  
竟日不就退在忠扈衛廳事然燭乃成密投試官竟取第時議  
者曰叔世而降公道缺絕惟鎖院之法近古世號天機人不得  
以私也或以親舊而撓其法則公道去矣或者曰文官屬文似  
拙售文似巧拙中之巧竟不掩巧中之拙其不見刺舉幸耳○  
命領議政府事鄭麟趾兵曹判書洪達孫藝文提舉金末講武  
舉武經陣書○諭咸吉道觀察使曰今去同知中樞院事浪伊  
升巨弟大護軍於乙巨給燒酒二十五瓶鹽五石上護軍李巨

乙加介弟副司直阿伊多介行司直浪三波弟司正沙吾可副  
司正愁世各燒酒十五瓶盞三石并魚物○承政院奉旨馳書  
于謝恩使押物副知承文院事洪逸童曰汝於重試擢第三名  
須及今月九日放榜上來○傳旨刑曹以外居亂臣奴婢二十  
口賜卒左議政李思哲○壬寅傳于刑曹司憲府曰今後越訴  
及濫擊申聞鼓者先引律文論斷勿舉所申事○正朝使先來  
通事陳欽啓曰景泰皇帝病劇四日不視朝正統皇帝以皇大  
后命於正月十七日復位○傳旨戶曹曰今籍沒鄭保家給前  
少尹尹士昕慈壽宮疾病家賜卒左議政李思哲妻○取武舉  
重試申興禮等二十七人初試吳順孫等二十五人順孫能彎弓  
百三十斤 上特命兼司僕○韓朵里童於乙加茂來獻土物  
○癸卯日暈○御慶會樓下 召領中樞院事尹師路議政  
府右贊成申叔舟吏曹判書權擘兵曹判書洪達孫吏曹參判  
朴元亨兵曹參判具致寬兵曹參議韓終孫承旨等侍食  
上曰李永垠對策辭意奇偉真奇材也可亟召來永垠至上命



行酒曰爾策雖不免齟齬氣像恰好昔唐太宗謂薛仁貴曰朕  
不喜得遼東喜得卿子於重試亦喜得爾也顧謂申叔舟曰暗  
於知人人君之大病取士以策法之善者也叔舟曰雖取士  
以一紙之策士之心術盡在於此上又謂永垠曰盛名之下  
其實難副爾之盛名在予爾當益究精微之學至於天文地理  
醫藥卜筮皆儒者所不廢爾其勉之又問曰潔淨精微易教也  
其次云何永垠曰臣不讀易上曰此非易也乃禮記中語爾  
兩不知也且人學筭則開發聰明百倍爾當體予心如啓蒙等  
書無不通可也○以金守溫鄭連城僉知中樞院事金從舜司  
諫院左司諫大夫徐居正右司諫大夫宋文琳司憲掌令李永  
垠左獻納尹孝孫右獻納李叔城左正言○甲辰放文武科初  
重試榜○執義金係熙左司諫金從舜等將本司議啓曰宋玗  
壽權完金師禹皆上王婚媾而玗壽於前日之事非不與聞師  
禹今掌兵在外完與玗壽皆在城內請勿令師禹掌兵傳曰  
此輩皆功臣不可待之如此再請不允○乙巳傳于承政

院曰今後入內衣纏

春秋例賜官人布貨謂之衣纏

及進上衣樹綿紬並用九

升別宮用八升前此用十二升故有是命○丙午前夕有人

成羣毆僧戒勤於奉常寺街 上命鎮撫率銃筒衛五十人捕

毆者又令刑曹義禁府捕其街里居人囚于義禁府鞠之戒勤

本宮奴也其母與上元寺僧義閻昵乃令戒勤從階祝髮勤淫

蕩驕恣至是來母家稱疾卧數日不食母問其故勤但虛喜而

已一日勤呼母喉中作聲曰吾病且殆矣豈計着赭若有人來問

我者願使相見至則乃一美女入見勤涕泗交下母驚愕曰是

豈僧行歟恐聞大內女低聲曰我亦不至於此者也女人癡暗

為人所賣一與相見情不能定今聞病革欲一得見抱羞而來

母曰事已如此勿使揚聞闔戶而出勤與女留數日不出自是

昏莫常接袂而行里中惡少嫉而毆之勤誣以恟盜啓故有是

命○丁未觀獵于西山野人金多弄介童於乙加茂等八人

隨駕 賜多弄介於乙加茂各衣靴其餘野人亦各 賜衣○

戊申持平崔善復右司諫徐居正等將本司議啓曰宋玆壽金

師禹等皆上王婚媾而或掌兵於外或為堂上官甚為不可請  
罷遣 上笑而不答○庚戌日暈有兩珥○傳旨吏兵曹曰司  
謁司鑰書房色內原從功臣永許為良者各加一資資窮人從  
自願遠近族親中一人代授散官一資○傳旨吏曹曰平安道  
郭山石硯定州防阿硯泉峴外西陽上下沙器旣等地及隨川  
安義里割屬龜城郡○辛亥日暈○甲寅以李昇半馬勝為中  
樞院使延慶谷山君南景祐宜城君黃孝源刑曹參判元孝然  
德寧府尹安崇直慶昌府尹洪元用漢城府尹金淳司憲府  
大司憲尹垠工曹參議李延孫趙秀文金守溫兪知中樞院事  
○吏曹據忠勳府上書啓參詳歷代勳臣之裔世襲其封史具  
可稽本朝開國定社佐命靖難佐翼功臣世襲之法載在錄券  
猶未舉行似為闕典然嫡長之秩卑者則盡令襲封誠所難行  
自今五功臣嫡長內階至二品以上者許令封君襲誦以光  
聖朝賞延于世之典 從之○兵曹據平安道節制使呈啓按  
本道軍士在南道者往來防戍故量其道里遠近推移分遣以

均苦歎如江邊軍士本邑賊路要害戍禦之術備嘗知之若依南道例分赴他邑則人心苦厭防禦失宜請依舊例留戍本邑從之○乙卯日暈○掌令宋文琳將本府議啓洪逸童赴京在道以中試特命召息至渥也經往而不赴召傳曰君命召不俟駕請罷逸童職待回還劾之副知承文院事宋守中有白駁之疾本院專掌受押文書請置閑地使之養病州郡并合已曾立法然觀察使差守令刻期并合民安於故常悼於改革今方農月不無騷擾之弊請令觀察使親巡徐察待秋行之奉常判事康胥除檢職本司官吏等別立異議至煩上聰大抵爵賞人主之大柄在下者不可輕議請劾奉常官吏傳曰州郡并合已擇賢守令為之何弊之有守中自不移病不宜先罷之當命醫救藥奉常官吏及逸童事今從之晉常自擬清流至是為檢職頗快快同僚希其意上言○刑曹啓大抵賊人之妻全賴贓物為生以此甘心其夫雖死又嫁賊人相助為寇若論以婦女而不之罪則無所懲艾今賊人小年等妻啣錄事蔡元叔捕

獲其夫至於投石罵詈謀為報復姦惡莫甚請將小年等妻勿  
論良賤永屬巨濟南海珍島官婢自今賊人妻並依此例 從  
之○丙辰受常參視事世子與義昌君玗領議政鄭麟趾刑曹  
判書成奉祖兵曹參判具致寬右承旨尹子雲右副承旨韓繼  
美同副承旨金碩侍 上曰昔耶律楚材曰唐之用法如神不  
可犯矣用法要須如此弭盜之計謹之至精用之如神可也  
御札下教曰予惟盜賊日熾平民受害不忍之政數降而良善  
之風莫興寬典似好生之德重典實安邦之策夫千里行師可  
隻彌天之敵杜門守戶何畏竊行之盜但布置乖方用法無信  
故耳所宜合行事件惟爾政府曉諭中外一初犯竊盜一貫以  
上黥面一列警守於聲相聞屢強盜劫掠人家及街巷毆傷人  
物而警守切鄰不救者以知情不首律降一等論一空家入處  
荒唐人刑曹漢城府五部推刷後若有入處者管領以知情不  
首律降一等論一自二更一點至四更終雖平民皆囚其中如  
有疾病死喪告病一應緊情不得已事則告于巡官若警守押送

翌日考其真偽一持標信者外大小人負母得出行若犯者三  
品以下皆囚堂上官以上囚根隨一外方分置盜賊等逃亡所  
至之處隣里色掌等不告者以知情藏匿罪人律論告一人則  
給綿布十匹每一人加二匹告十人以上給綿布五十匹一強  
盜則雖捕一人無職者賞職元有職者加資叙用如有自願受  
到者竊盜每一人給三十強盜每一人給一百不堪從仕者給  
綿布五十匹獠猥成黨為積年患者不拘人數超三等賞職  
賤口免役私賤則以都官典農寺奴婢換給俱給犯人家產一  
盜賊自首而自中捕告者九人以下給綿布五十匹十人以上  
百匹獠猥成倘為積年患者依第六條論賞一兵曹巡綽外  
義禁府刑曹郎廳率令史杖首螺匠百戶無時行巡一外方閑  
良人吏內擇定捕盜牌乘夜巡行能捕獲者論賞一鄉吏能捕  
強盜三度者為首人已身免役一能捕盜賊當該官吏不次褒  
賞不能者罷黜一行幸朝賀等日則建通行標旗于巡廳是日  
通霄無禁○命都承旨韓明澮巡審 健元陵獻陵英陵遣

宦官田昫賚 宣醞餞于普濟院○司憲府啓趙秀武橫斂於民廣行贈遺其贈親戚與自盜無異雖經赦宥不可不治請收告身并受贈人錄賊案橫斂之物令本道觀察使區處 命皆勿論○丁巳司憲府啓曰全羅道行臺監察許迪今滯職若更遣臺官則今方農月往來有弊請令卒事而還 傳曰可付觀察使而來○己未始用天順年號○吏曹據京畿觀察使啓本啓初合果川衿川為一邑而以衿川為治所雖與良才驛相距稍遠然大小使客驛自支持無異於邑至於支持倭人則預期措辦不必近在果川而後可也且廣州距樂生驛六十里支持諸事無有後期况衿川良才之間四十餘里往來無難請仍舊以衿川為治所 從之○領議政鄭麟趾等據巡察使朴董具致寬啓本議諸浦外藩籬諸鎮次藩籬也大抵欲密不欲疎密則有相掎角之勢疎則道路遙隔不及救援且所謂島夷長於水戰而短於騎戰我國長於騎戰而短於水戰臣等以為倭奴慄悍輕死善用短兵若投隙登岸白刃相接則我之不捷什常八

九前朝之季可鑑雲峯之戰不有我 太祖之神武三道之民  
幾無子遺所謂甘浦以北風浪險惡賊船來往勢難者臣等以  
為前朝之季倭賊侵至咸興賊勢甚熾不有我 太祖之神武  
咸吉之民亦無子遺開國以後 列聖相承廣詢羣策龍驤駕  
海虎旅屯陸然後倭寇寢息耕耘並海是雖 聖化能服其心  
亦由藩籬牢固賊不敢窺覘耳今撤甘浦以北船軍則江原咸  
吉之船軍皆當革除是自撤其藩籬也而可乎哉己亥庇仁之戰  
縣監宋虎生帥兵守城賊圍之甚急藍浦兵馬使吳益生豎旗  
于北舒川郡事金閏吹角于東救兵四至然後賊懼乃退是亦  
邊郡密比之明驗也盈德清河延日機張鎮海務安興德藍浦  
等地沿海防禦最緊之邑城郭館舍已備非一二年之經營丑山  
漆浦包伊開雲海雲知世助羅所可沙月串突山築頭高靈大  
津唐津等浦或以退排或以密比為可革然舟船非鉅繫之物  
若有賊變或合或離出入救援况賊來無定處且排設已久倭  
賊悉知六十年間別無見敗之處今不宜無事而更改成規



然非臣等之所洞見乞令曾經諸道觀察使都節制使處置使  
者熟議一兩界則防禦最緊道里遙隔軍官率多厭憚不赴不  
得已差遣朝官為都鎮撫其餘軍官亦用京軍士若下三道則  
與兩界體勢不同今若稱都鎮撫差定非惟騶從供億之弊必  
將寅緣傍倖以為媒進之階無益而有害又其餘軍官皆以下  
番京軍士帶行計日給到則人人希望仕到爭先趨附或以  
族親或以舊知阿私帶率軍官任意閑遊甚者或常在家虛銀  
仕到詐偽日滋及其番上奪人都目互爭是非訟端蜂起不特  
此也侍衛禁兵輕與方鎮將帥於大體何如况今下番軍士皆  
籍名諸翼使不得任意出入如有邊警皆令徵聚應變何必口  
傳然後乃為緩急之用手臣等以為姑仍舊擇閑散人有武才  
者率行一兩界防禦最緊欲戍卒之多設立充補之法而實授  
甲士者亦不番上但赴防而已我朝侍衛禁兵來自三道者不  
啻什九若兵曹不更試只以仕到矢數相考授職則臣等恐猥  
劣無用之輩冒濫得授而禁兵終至於不精矣一本朝昇平日久

生齒日繁土地有限居民濱海今若刷出安眠串居民則彼之  
棄舊徙新之苦姑置勿論以六百餘口之人將居之何地況他  
道沿海居民不得盡皆刷出則何獨患於安眠之居民乎臣等  
以為此地牧場已居半南有處置使助兒梁助戰之所北有都  
萬戶及泰安節制使防禦海岸又無船泊處倭寇亦不得率入  
為寇其居民宜令仍舊其無松木山麓許民耕種其松木茂盛  
處嚴加禁伐毋得作田庶幾官民兩便右贊成申叔舟議沿邊  
諸浦猥多兵力弱其勢終須革不緊以補緊處今巡察使等  
已親審其形勢必不太遠况雖曰革之實移泊他浦耳船與軍  
無損而又無遷徙更建之勞矣但盈德與海新鎮之軍不宜以  
水軍充立其水軍悉分屬他浦更以陸軍充給沿邊有城郭縣  
邑殘弊者以內地縣邑割補置鎮三道都節制使處置使今已  
各置首領官都鎮撫但邊將等軍官率多無賴之徒如吏典去  
官者侵漁軍戶為弊不貲且於防禦無益悉依兩界例以下番軍  
士中有武才者率行其給到則下三道與兩界告歇不同量

減仕到鎮則都節制使浦則處置使無疇檢舉忠清道沿邊之地無造船材木但安眠串耳今新入之人必有舊居之地雖刷出無新徙之皆依啓本施行后下兵曹兵曹啓第一條丑山浦包伊浦漆浦革罷船軍移屬興海鎮事則丑山浦船軍等皆居寧海府以上諸邑與興海鎮隔遠不可移定宜屬寧海鎮但防禦最緊水軍不可盡屬於鎮今革罷包伊浦開雲浦海雲浦船軍共一千五百二名內富山浦益浦加乙望浦各四百名多夫浦二百名西生浦一百名量其所居遠近移屬且柒浦雖不可泊大船船小則可以泊立况今興海雖新置鎮無軍以戍則漆浦不可遽革改作小船仍舊防禦興海鎮軍則用傍近閑良人漸次充定第二條諸道都節制使兼差判府事事則軍民重事不可一人兼掌仍舊施行第十二條都節制使處置使都鎮撫差定事則以軍官為都鎮撫似為輕易選諳鍊朝官差首領官且諸營鎮邊將帶去軍官率用典吏去官無賴之徒甚為不可請依啓本於下番京軍士中令擇有武才可用者自舉口傳率行

仕到之數半兩界赴防者第十五條沿邊諸鎮試充補甲士事  
則下三道甲士乃番上侍衛禁軍事體與兩界異不可以外方  
所試便許除職仍舊為可若沿邊諸邑并合作鎮事委觀察使  
審定啟聞後擬議施行餘如所啟從之○庚申司諫院啟曰  
新置諸道都節制使都事臣等以為我祖宗朝已有此法行  
之有弊改革之今復立之不可傳曰予昧不知祖宗故事但  
國家昇平日久邊禦踈虞且古制將帥亦率文臣而行予今特  
置都事盛其將帥官屬以長其心耳○禮曹啟謹按周禮及開  
元禮皆於冬至祀天今後依古制每年冬至祀天命用正月  
十五日○辛酉幸道峯山觀獵○壬戌日暈○御書下政院  
曰前日油污進獻布甚可警也政院曲盡布置是日封賀登極  
方物故有是命○日本國肥前州下松浦山城太守源吉遣  
使來獻土物○癸亥遣右議政姜孟卿德寧府尹元孝然奉表  
如大明賀登極其表曰天眷用懋景命惟新龍御時乘丕圖益  
輦照臨所暨蹈舞攸均欽惟剛健粹精聖神文武配上帝建

皇極復開萬世之太平茲至尊柔遠人允孚四海之顛望乾坤交  
泰日月重明伏念猥以庸資欣逢昭代迹縻青社雖阻漢殿之  
班目注丹霄倍切堯封之祝方物表曰一人有慶式昭德音萬  
邦作孚畢獻方物謹備黃細苧布二十匹白細苧布五十匹黑  
細麻布一百匹黃花席二十張滿花席二十張雜彩花席二十  
張人參一百觔豹皮二十張雜色馬四十四匹右件物等名般甚  
寡製造匪精豈足充內帑之珍聊以表中情之信 上御思政  
殿引見孟卿孝然 親賜酒謂都承旨韓明澮曰送往迎來  
事之大者卿與申二相等餞右議政于慕華館○以李仁孫判  
中樞院事朴元亨戶曹判書閔騫同知敦寧府事辛碩祖吏曹  
叅判元孝然同知中樞院事盧叔全德寧府尹洪元用漢城府  
尹○刑曹啓竊盜及窩主統戶已依教旨徙邊然徙邊者或至配  
所或於中路逃散永居配所者十無一二無有懲戒徒失軍丁  
且徙邊者例須稟旨因致滯獄請自今竊盜及窩主統戶雜犯  
者一依律文施行勿令徙邊其 中情狀可痛懲者具由取旨徙

邊從之○以兀良哈李斜土為訓戒等處都萬戶元多沙副萬  
戶土時阿推羅谷等處萬戶果羅干副萬戶浪東古東良北等  
處副萬戶好乙非阿赤郎貴等處副萬戶金劄禿驢吾里等處  
副萬戶不額禿斜地等處副萬戶萬禿哈毛里耶等處副萬戶  
女真金餘籠哥薰春等處萬戶金立成金奈哈驢吾里等處副  
萬戶骨看兀狄哈劉列者格金咬哈等與毛里等處副萬戶金  
阿刺金乞都革也春等處副萬戶李訥叱仇於時知未等處副  
萬戶金阿乙加於知未等處副萬戶女直權阿龍薰春等處副  
萬戶

世祖惠莊大王實錄卷第六

世祖惠莊大王實錄卷第七

三月甲子朔司諫院啓曰黃海道都事權城周年未半以私事  
 上京旋除京職南陽府使尹岑除授未幾改除京職凡外任呈  
 辭者有六年不叙之法今乃如此周年六期之法恐自此壞矣  
 且今新設諸道節制使都事近因水旱相仍連年不登慶尚道  
 尤甚遣使賑恤若遣都事別立一官則支待供給恐又生弊請  
 待秋而遣 傳曰城妻子之戚屬予聞其病岑其弟坡平君巖  
 病苦以故皆除京職今設諸道營鎮都事欲令方鎮主成體貌  
 尊嚴耳不可廢也如不得已則何待來秋○日本國一歧州上  
 松浦呼子源高遣人來獻土物對馬州中尾彈正平盛秀等亦  
 來獻土物○乙丑慶尚道都巡問賑恤使李仁孫辭 賜段衣  
 弓矢等物○司憲府啓曰慶尚道都事朱伯孫其妻居本道罷  
 官曾不以聞赴任後使妻仍住界內且伯孫病當農月發擔夫  
 輿疾而行請改差 從之○傳旨戶曹曰減今年慶尚道冊紙  
 一千卷江石道二百五十卷○丙寅 命名右獻納尹孝孫

傳曰爾等前日請勿遣諸道營鎮都事此大事未易輕議然當待秋議之○者老宰樞設宴于普濟院命右副承旨權摯賢宣醞往慰之○御思政殿命召領中樞院事尹師路議政府右贊成申叔舟兵曹判書洪達孫禮曹判書洪允成兵曹參判具致寬都承旨韓明澮左承旨曹錫文右承旨尹子雲同副承旨金碩兵曹參議韓終孫知事權愷議改定陣法戊辰親傳先蠶祭香祝○以揚汀為工曹判書金何中樞院使柳河柳士枝僉知中樞院事○日本國大內殿多多良教弘遣使來獻土物○己巳司憲府啓曰慶尚道巨濟南海本殘邑其守令除授未滿一月而改差今方農月送往迎來有弊且全羅道順天雖曰邊鎮乃挈家赴任之處今改差亦有弊傳曰邊鎮事大不可改也○兵曹啓京侍衛諸色軍士內甲士別侍衛銃筒衛防牌攝六十則已分屬五司五領其餘或分三軍或全不分屬如講武習陣急遽行軍侍衛時祇唯分屬為難人無定志行伍不齊合行條件磨勘後錄上諸色軍士並分屬五衛中衛稱義興衛



屬以甲士近仗左衛稱龍驤衛屬以別侍衛攝六十右衛稱虎  
賁衛屬以忠順衛防牌前衛稱忠佐衛屬以忠義衛受田牌統  
筒衛後衛稱忠武衛屬以忠贊衛京侍衛牌別軍每衛各分五  
部稱某衛某部一受田牌每部各分為四統以三日相遞入直  
一京侍衛牌別軍攝六十依前不入直一無受田京侍衛牌本  
是一般軍士而各別稱彌似為猥瑣合為一牌稱京侍衛牌一  
上項五衛分屬軍士中部為始三日入直左右前後部次次相  
遞循環入直一上護軍大護軍各二十五護軍三攝護軍七十  
五分屬五衛稱某衛某護軍司直六攝司直六十二副司直六  
攝副司直九十七司正六攝司正一百十九副司正六攝副司  
正一百七十二司勇一百攝司勇一百七十八稱某衛某部某  
司直餘例同一鎮撫所鎮撫三十內減二十分為二番景福宮  
內所二外所一昌德宮入直二一侍衛牌或番上或不番上且  
留京日少勿屬衛前此入直軍士及宮城外留營軍士兵曹鎮  
撫所直遣郎官摘蒞今後受宣傳標信摘蒞從之○庚午

上御勤政殿世子率百官上 兩殿尊號庭賀如儀其上 大  
殿冊文曰誕受丕基方撫景運贊揚盛德宜極尊稱茲率舊章  
敢伸歸美恭惟聰明睿智剛健粹精炳發先而掃羣兇保安宗  
社善繼述而凝庶績輯綏黎蒸惟文謨武烈之並隆諒古往今來  
之罕比且戴園丘之熙事乃配 皇祖於昊穹大禮告成三靈  
默佑欲彰至道之妙寔在徽號之崇爰舉縟儀式闡顯冊臣等  
不勝大願謹奉冊寶上 尊號曰承天體道烈文英武伏惟小  
垂 聖鑑茂對鴻休益懷宏遠之規永享康寧之福樂章曰應  
天人握符籙紹百聖皇建極武功赫文治修禠太室祀園丘於  
盛美難形容崇徽號播無窮上 王妃冊文曰德配乾剛式隆  
王教之本位正坤順咸仰母儀之尊宜建鴻名益昭懿範恭惟  
性稟貞淑心存儉勤內助協於塗山密贊龍飛之造徽音嗣乎  
太姒茂開麟趾之祥基風化於四方衍本支於百世茲舉縟禮  
誕敷洪休臣等不勝大願謹奉冊寶上 尊號曰慈聖伏惟端  
居禁闈光膺顯號承一人之有慶享五福於無彊樂章曰維上

帝眷有德倪天妹生我國體坤育母東民關睢化麟趾仁奮敬敏  
上顯冊歌以頌垂罔極（上）大殿尊彌儀前一日掖庭署設御  
座於勤政殿設寶案於座前近東又設冊寶案二於其南設讀冊  
寶案於座前當中設權置冊寶案於月臺上當中設進冊寶位  
於冊寶案之南設香案二雅樂令展軒懸設協律郎典樂位如  
常儀其日判司僕陳輿輦御馬典儀設王世子位設宗親及文  
武百官執事位如常儀設門外位如常鼓初嚴兵曹勒諸衛陳  
鹵簿大仗及軍士如常禮曹正郎設箋案於殿階上宗親及文武  
百官各具朝服押冊寶官以冊寶各置於龍亭鼓吹前導由東  
門入至勤政門樂止捧冊寶官對舉冊寶升自東階置於案禮  
曹正郎以箋函各置於龍亭鼓吹前導由東門入至勤政門樂  
止令史二人公服對舉箋函正郎引升自東階置於案鼓二嚴宗  
親及文武百官俱就門外位諸護衛官及司禁各具器服尚瑞  
官捧寶俱詣思政殿閣外判通禮詣閣外俯伏跪啓請中嚴  
殿下具遠遊冠絳紗袍即座繳扇侍衛如常儀近侍及執事官

近侍如承旨史官之類執事如判通禮典儀讀冊寶官由西閣奉冊寶官宣箋官代致詞官通贊奉禮郎監察之類

入庭四拜而出典樂率工人協律郎入就位鼓三嚴奉禮郎分

引三品以下入就位判通禮俯伏跪啓外辦 殿下將出協律

郎舉麾軒架作隆安之樂 殿下陞座尚瑞官捧寶置於案繳

扇侍衛如常儀協律郎偃麾樂止諸護衛官承旨史官侍衛如

常儀奉禮郎分引宗親及文武二品以上入就位典儀曰四拜

樂作通贊傳唱宗親及百官四拜訖樂止奉禮郎引領議政升

讀冊寶官捧冊寶官從升禮即止領議政就進冊寶位跪百

同捧冊官捧冊函跪授領議政領議政受以授捧冊官由中

戶入跪置於讀冊案讀冊官由西戶入就讀冊位俯伏跪捧冊

官俯伏跪展冊讀冊官讀訖俱退復位近侍捧冊函以授尚瑞

官安於冊案進寶讀寶如上儀訖領議政俯伏與百官降復位

副知通禮引王世子就殿庭拜位典儀曰四拜通贊傳唱樂作

王世子四拜樂止宣箋官由西階升入詣箋案南跪典儀曰跪

通贊傳唱王世子跪展箋官二人內直別對展宣箋官宣王世

子箋訖俯伏興降復位典儀曰俯伏興通贊傳唱王世子俯伏

興通贊唱搢圭

如搢下便侍從傳奉

鞠躬三舞蹈跪三叩頭王世子鞠躬

三舞蹈跪三叩頭唱山呼王世子拱手加額三唱千歲如常贊

出圭俯伏興四拜樂作王世子出圭四拜訖樂止副知通禮引

王世子出典儀曰四拜通贊傳唱樂作宗親及百官四拜訖樂

止典儀曰跪宣箋官由西階升入詣箋案南跪通贊唱跪百官

皆跪展箋官對展宣箋官宣百官箋訖俯伏興降復位典儀曰

俯伏興通贊傳唱宗親及百官俯伏興通贊唱搢笏鞠躬三舞

蹕跪三叩頭宗親及百官搢笏三舞蹈跪三叩頭唱山呼宗親

及百官拱手加額三唱千歲如常贊出笏俯伏興四拜樂作宗

親及百官出笏四拜訖樂止判通禮進當座前俯伏跪啓禮畢

俯伏興降復位協律郎舉麾興軒架作隆安之樂殿下降座

乘輿繖扇侍衛如來儀還思政殿協律郎跪偃麾樂止奉禮

郎分引宗親及百官出判通禮俯伏跪啓解嚴兵曹承教放

仗○上中宮尊號儀勤政殿西庭排班執事官位如常時至押冊

寶官以冊寶置於龍亭鼓吹前導至正門外樂止置於百官之

北有案宗親及百官具朝服皆就位尚儀啓請中嚴六尚以下各

具禮服女工人入就位司賓引內命婦就殿庭道東陪列位重

行西向北上尚儀啓外辨王妃具翟衣加首飾尚宮前導以出

王妃乘坐爐烟升繖扇侍衛如常儀女官同判內侍出就進

冊寶案東北西向云典儀曰四拜通贊傳唱宗親及百官四拜

奉禮郎引領議政就進冊寶位北向跪百官同捧冊官奉冊

函跪授領議政儀議政受以授同判內侍捧寶官捧寶函跪授領

議政領議政受以授同判內侍託諸內侍領議政俯伏興平身

同衆官奉禮郎引領議政還就位同判內侍捧冊寶詣正殿閣外

跪置於案俯伏興退尚寢帥其屬各捧冊寶置於正殿當中有案

尚宮開函讀冊寶託置於案臨時典言傳告進冊寶託同判內

侍出就位典儀曰四拜通贊傳唱宗親及百官四拜代致詞官

詣同判內侍前跪衆官皆跪代致詞官致詞云云議政具官臣

某等敬惟 王妃殿下德配坤厚母臨一國誕受徽稱茂膺多

社訖退復位典儀曰四拜通贊傳唱宗親及百官四拜同判內侍傳告典言入啓承旨以宣同判內侍出復位稱有 旨宗親及百官跪同判內侍宣 旨曰知典儀曰俯伏興四拜宗親及百官俯伏興四拜同判內侍乃入奉禮郎分引宗親及百官出司賓引內命婦陪列者就殿庭道東拜位司贊曰四拜樂作典贊唱四拜同判內命婦四拜訖樂止典言陞自西階進當座前跪內命婦皆跪典言代致詞云嬪妾某氏等敬惟 殿下尊居椒掖益嚴內治誕受徽稱慶衍螽斯訖降復位典贊唱四拜樂作內命婦四拜訖樂止司賓引出王世子入就位典贊唱四拜樂作王世子四拜訖樂止典言升自西階進當 座前跪典贊唱跪王世子跪代致詞云王世子臣某敬惟 殿下儷尊宸極母臨一邦光膺徽號永享純禧訖降復位典贊唱四拜樂作王世子四拜訖樂止王世子出司賓引王世子嬪入就位典贊曰四拜樂作王世子嬪四拜訖樂止典言升自西階進當座前跪代致詞云王世子嬪妾某氏敬惟 殿下坤元令德儀刑中壺誕受

顯稱茂膺多祉訖降復位典贊唱四拜樂作王世子嬪四拜訖樂止司賓引嬪出又司賓引外命婦入殿庭拜位東公主以下在

西下在典贊唱四拜樂作外命婦四拜訖樂止典言升自西階進

當座前跪典贊唱跪外命婦皆跪典言代致詞云妾某公主等

敬惟 殿下尊居椒掖益嚴內治誕受徽稱慶衍螽斯訖降復

位典贊唱四拜樂作外命婦四拜訖樂止司賓引出尚儀進當

座前啓禮畢 王妃降座尚宮前導以入司賓引外命婦出○

上御思政殿世子率宗親議政府六曹靖難佐翼功臣進豐呈

承旨史官等亦侍妓工人奏樂饋倭人三甫羅沙也文等十三

野人童阿頭芥等三人于庭下功臣母及妻入康寧殿侍 中

宮宴○大殿上壽儀設 御座設樂設王世子與侍宴官客使

位如常儀鼓二嚴王世子與侍宴官以下時服門外位 殿下

將出樂作 殿下陞座樂止副知通禮引王世子奉禮郎分引

侍宴官通事引客使入就位殿庭拜位樂作典儀曰四拜通贊

同王世子以下在位者皆四拜樂止樂作司饗提調進卓承旨



進花盤跪內侍傳進

進卓進花時王世子跪樂止代致詞官升

自西階俯伏跪典儀曰跪王世子跪致詞云王世子臣某恭惟

殿下父臨一國顯膺鴻名大禮既成不勝慶忭謹上千千歲壽

訖副知通禮引王世子升自東階詣酒亭東樂作進爵典儀曰

跪王世子跪舉盞訖王世子俯伏興平身樂止副知通事引王

子降復位樂作典儀曰四拜王世子與侍宴官客使四拜樂止

副知通禮引王世子升就座奉禮郎分引侍宴官就座通事引

客使就座進饌進湯酒行如常供王世子花散侍宴訖王世子

與侍宴官客使俱復拜位樂作典儀曰四拜王世子以下四拜

訖樂止樂作殿下還內副知通事引王世子出奉禮郎分引

侍宴官出通事引客使出○中宮上壽儀女工人陳樂尚食設

酒亭如常尚儀啟請中嚴六尚以下俱詣內閣伺候女工人入

就位同贊司賓典言先就位尚儀啟外辦王妃具服尚儀前

導以出樂作王妃陞座樂止司賓分引內命婦及王世子嬪

外命婦由東西門入就拜位內命婦在東王世子嬪在樂作司

贊曰四拜典贊曰內外命婦四拜樂止樂作尚食進案尚儀進

花樂止進案進花時內司贊曰俯伏興內外命婦俯伏興外命婦皆跪典言

由西門入進當案前俯伏跪司贊曰跪內外命婦皆跪代致

詞云嬪妾某氏等敬惟王妃殿下誕受顯稱慶衍椒闈不勝

欣抃謹上千千歲壽訖司贊曰俯伏興內外命婦俯伏興司賓

引命婦班首入東門入詣酒亭東樂作進盞司贊曰跪內外命

婦皆跪舉盞訖俯伏興樂止命婦班首出就拜位樂作司贊曰

四拜內外命婦四拜訖樂止司賓引內命婦及王世子嬪外命

婦就位進饌進湯酒行如常供世子嬪花散內宴訖司賓分引

命婦四拜訖樂止樂作王妃降座還內樂止司賓引內命婦

及王世子嬪外命婦以次出○辛未日暈○賜文武科初重試

恩榮宴于議政府以左議政鄭昌孫領中樞院事尹師老為押

宴官命右贊成申叔舟禮曹判書洪允成都承旨韓明澮左承

旨曹錫文往祭○壬申日暈○全羅道觀察使宋慶寬處置使  
李行儉全州府尹卞孝文羅州牧使金怨光州牧使宋休明忠

清道觀察使李重節制使鄭種公州牧使咸禹治洪州牧使李  
明晨清州牧使李英者平安道觀察使金連枝都節制使李允  
孫江陵府使李師曾賀中宮箋達格 命司憲府劾之○左獻  
納李永垠護軍申興禮等奉箋謝 息其辭曰乾坤大度曲遂  
生成雨露洪私謬添優渥感激無地糜粉難酬伏念臣等俱以  
庸資幸際昭代學僅聖賢之粗粕尚未通方才乏公侯之干城  
豈敢禦侮復有何望得與賢科披沙揀金滌叨非分之選攀龍  
附鳳又忝不次之榮况今草木之微生均被需雲之大澤歌湛  
露而既醉恍鈞天之再登寵光若茲前昔所罕伏遇網羅一世  
駕馭羣才稽商書之立賢念周雅之多士蓋將責臣以來效故  
茲錫臣以極榮臣等鈐繫效功爪牙服力夙興夜寐更竭臣丁  
之忠地久天長恒祝聖人之壽○癸酉日暈○論平安道觀察  
使曰續典謄錄赴京使臣回還時先送從事官一人馳告勿令  
監司別報今因循舊弊邀留先來人爭先馳奏因此驛馬困斃  
今後一依謄錄勿別遣若先來人有故觀察使代報○甲戌日

暈○傳于議政府曰今後下傳旨行移事及啓下行移事內日月最久未舉行者令該司每十日具錄啓達○司憲府啓視學時儒生圓點滿一百五十者許令赴試幼學朴衡文不曾付籍冒第衡武名濫入場屋罪應杖一百徒三年永不叙用以衡文功臣之子只 命發配京畿永不叙用○乙亥 御思政殿受常參視事常參時通禮門官誤唱五拜禮訖議政府左議政鄭昌孫戶曹判書朴元亨吏曹判書權肇同知中樞院事朴薑漢城府尹李純之禮曹參議李克培退而啓曰通禮門官雖失誤臣等亦失儀 傳曰何失儀之有卿等宜速入來昌孫等與承旨等及僉知中樞院事金守溫判事梁誠之侍食 上曰今遣分臺有言其不便者予亦知其有弊但欲使守令有所警省也昌孫曰分臺所至守令畏縮凡可為之事不得如意 上曰法所當為則何有不可為者昌孫曰守令日用常行法外之事居多猾吏姦民一動一靜窺伺左右皆欲告訴以故守令怯於告訴罔知攸措薑曰臣於近日巡察三道貢賦愚民尚拒而不從及

期之事固難卒辦 上曰卿等之言然矣守令威勢不可盡下也予欲禁其告訐之風昌孫曰訐非自己冤抑者亦不加罪小民至以私憤小怨羅織誣訴此風日長下無全人矣 傳曰誣告之人何不罪之是非法之不善有司未能奉行也大抵駕前親受狀告又遣分臺咨訪皆欲廣詢而開言路也言雖不中亦不加罪若告於法司者當核其誣告而罪之可也擘啓曰罪誣告之法請下 旨該司 上曰政府六曹大臣皆聽之而史官注書亦書之何必別有下旨乎○諭京畿慶尚全羅忠清黃海平安咸吉道觀察使曰諱邑貢物當初分定時或不以土產而官吏刻期督納細民傾財貿易以充之如或不給則商賈夤緣請托代納倍徵其價因此民產蕩盡艱苦莫甚予不忍視欲更其弊卿體予意道內貢物各隨土產推移磨勘速啓○丙子日本國對馬島宗盛弘遣使來獻土物○日本國王使者僧全密承嵩等來○丁丑吏曹啓諸司官吏有箇月者多銓注之際推移除授為難今德寧府官吏並除箇月只置以任二員 從之

○日本國對馬州宗盛家遣使來獻土物○禮曹兼判書黃守  
身叅判閔瑗等啓曰園丘體制稽諸古文歷代各異且諸司職  
掌則作大祀殿我朝園丘之制何以處之且祭器祭服古有燒  
埋之法亦何以處之宋史初作壇於南薰門外四成十二陛三  
壇設皇帝更衣大次於東壇東門之內南向舊制壇四成一成  
二十丈再成十五丈三成十丈四成五丈成高八尺一寸十二  
陛陛十二級三壇二十五步宋紹興十三年修建圓壇第一成  
縱廣七丈第二成縱廣十二丈第三成縱廣十七丈第四成縱  
廣二十二丈十二陛每陛七十二級每成十二級三壇第一壇  
去壇二十五步中壇去內壇外壇去中壇各半之燎壇方一丈  
高一丈二尺方三尺三出陛在壇南二十五步文獻通考周太  
祖郊壇在城南七里丙巳之地四成各高八尺一寸下廣二十  
丈再成廣十五丈三成廣十丈四成廣五丈十壇二陛每陛十  
二等燎壇在泰壇之丙地方一丈高一丈二尺開上南出戶方  
六尺又設皇帝更衣大次於壇外東門之內南向詳定古今禮

圓壇周六丈三尺高五尺十二陛三壝每壝二十五步周垣四  
門燎壇廣一丈高一丈二尺高方六尺開上南出山堂考索宋  
太祖乾德修飾壇壝四成十二陛三壝通典高祖神堯皇帝配  
座在壇上壇之第一等五方帝大明夜明等座二等北辰北斗  
天一太一等座第三等大角攝提大微等座又祀外官百五座  
於內壝之內設衆星三百六十座於內壝之外齊永明元年郊  
壇負兆外內起瓦屋形制宏壯梁武帝南郊壇高二丈七尺經  
十八尺其外再壝四門諸司職掌大祀殿正殿三壇上帝南向  
皇祇南向仁祖配位在東西向丹墀四壇大明在東西向夜明  
在西東向星辰一壇在東西向星辰二壇在西東向東十壇北  
岳壇北鎮壇東岳壇東鎮壇東海壇大歲壇帝王壇山川壇神  
祇壇四瀆壇西十壇北海壇西岳壇西鎮壇西海壇中岳壇中  
鎮壇風雲雷雨壇南岳壇南鎮壇南海壇通典梁帝武時大尉  
設燎壇於內地禮畢器席有司燒埋之註佟之議曰禮祭器幣  
則埋之今一用便埋費而乖典帝曰薦席輕物陶匏殘器燒埋

之凡祭器祭服替器則埋之服則燒之 傳曰圜丘體制依此古制作殿周垣則誠為好矣但近年國家事多不可遽興待有餘力更議施行暑燒埋之法則其書祀天時所用未燒物以來子當見而處之○吏曹啓原從二等功臣以下欲以己身及子孫之資代授父母者聽 從之○戊寅 御勤政殿受朝賀日本國王使者僧全密永嵩等九人大內殿多多良教弘使者僧德模等十四人隨班仍獻土物日本國王書曰源義政端肅拜覆朝鮮 國王殿下四海歛浪兩邦同仁無任欣賀之至特差遣使者全密西堂永嵩西堂慧光藏主等聊修隣好少寓慶棕伏辜徹高明之聽比年以來使者相繼音耗靡絕深慰瞻仰之私仍告吾邦有寺曰建仁蓋國初禪刹以為祈福之靈場也察嵩二西堂隸名此寺也久是以有起廢之志茲行得便且告大邦切望特賜五萬緡之資以垂矜憐且獲 大王仁化之覃遠也不腆土宜具如別幅金粧屏風二張紅漆木椀一百事紅漆盤大小二十片綠畫扇二十把大刀十把鋤子十柄提子十



箇南都木桶二箇鑄子酒器一箇○御思政殿觀捧戲讓寧大  
君禔臨瀛大君璆永膺大君琰敬寧君裨誠寧君裊益寧君祔  
桂陽君增密城君琛翼峴君璉寧海君瑋領中樞院事尹師路  
河城尉鄭顯祖右贊成申叔舟判敦寧府事宋瑒壽兵曹判書  
洪達孫禮曹判書洪允成同知中樞院事朴董兵曹參判具致  
寬都承旨韓明澮左承旨曹錫文左副承旨韓繼美右副承旨  
權學同副承旨金礪知兵曹事權愷等入侍 上命叔舟進酒  
禔就 御前曰叔舟書生賢而多能也傳 曰非但書生乃智  
將也叔舟乃吾魏徵也 顧命史官書之 命入侍宰樞分左  
右擊捧 賜勝者師路瑒壽達孫明澮遜美礪各兒馬一匹○  
判書雲觀事梁誠之上言恭惟我 主上殿下以盛德大功光  
臨寶位郊祀上帝配以 太祖又祗謁先聖設科取士開國以  
來甚盛舉也此正臣子精白一心以輔至治之時也臣以庸劣  
久叨侍從敢將管見仰塵 睿覽伏惟 聖鑑裁擇一親耕籍  
田蓋古者天子諸侯皆親耕籍田有三推九推之別焉以其供

粢盛重民食不可輕也方今郊祀上帝既行曠典伏望躬率百官親幸東郊以行耕籍之禮將見上帝監臨宜有豐年之祥士庶瞻仰亦知農事之為至重而樂趨於南畝矣 玉趾一舉三韓聳動其事光簡策澤及生民為如何哉 御書曰古之盛禮必未能盡舉一社稷配位臣按諸司職掌太祖高皇帝祭社稷以皇考仁祖配享趙宋亦以僖祖為不遷之位恭惟我 桓祖誕生我 太祖以濟斯民以其鴻業至於雙城之役實為內應雙城復而咸吉九城之域復九城復而精兵健卒皆為我用其功德之盛為何如哉乞依古制以 桓祖配享國社且大明在太祖之時以仁祖為配太祖之後或以太祖配享亦未可知乞入中原問之禮官以定配位 御書曰右條下政府一加上尊謚竊惟仲尼曰武王周公其達孝矣乎二聖人之稱達孝者武王受命周公成文武之德宗祀文王於明堂以配天又追大王王季所謂皆達孝也今我 殿下親祀上帝於南郊配以太祖即武王周公之達孝也今舉縟儀誕受尊號一國臣民不勝

大慶乞於夏享 親裸大廟加上 祖聖尊謚以廣孝理如是  
則庶幾允合於前聖之孝矣臣觀前朝顯宗英明之主也加上  
歷代尊謚中外山川神祇亦加美號即此意也 御書曰右條  
下政府一生辰稱節臣聞古之帝王皆稱節日所以重親恩宣  
孝治也東方則高麗成宗始以生日為千秋節自後歷代皆有  
名稱至忠烈王稱壽元節考之前史遼金氏為遣使价來賀生  
辰甚盛事也及我本朝只稱誕日禮甚簡約固無不可然臣觀  
唐史渤海大祚榮前麗舊將也暴起而亡無足可稱而東國禮  
樂文物之盛只稱渤海而三韓不與焉臣竊恥之我東方與堯  
並興幅員萬里生齒之煩士馬之強百官制度之盛雖未能別  
建年號獨不可襲麗舊而稱節日乎乞令大臣擬議施行 御  
書曰未可一御經筵臣聞古今帝王雖有聰明冠古之資博聞  
之學必御經筵講論書史無他人主一心裁制萬機至煩且勞  
一日須讀一番經書以澄聖慮然後方寸虛明萬理俱備知人  
明而人不足與間也處事當而政不足與適也先正鄭招若決

詞詔必觀經書亦此意也乞復經筵置祿官兼官如書筵之制  
輪日進講蓋勤聖學庶幾有補於顧問有光於史冊至於考制度  
守典墳無所不可且經筵既罷不可遽設則乞依中朝以春坊  
兼翰林之例以書筵官輪次進講小臣違離經幄猶侍書筵又  
出書筵漸不得親依 耿光不勝犬馬之誠謹昧死以聞 御  
書曰人主萬機之暇留心經史固美事也予則運時非平不暇  
及也國家多事一也自 世宗時受囑修撰之事多二也今為  
世子撰集三朝內錄又實錄產書六典等事皆予親所覽定三  
也又年既不惑何必如書生四也又習陣講武且不如意恐失  
於仁弱五也一藏國書蓋書籍不可不藏也前朝之時藏之山  
寺至本朝始設三史庫于忠州星州全州等邑慮甚密也然臣  
聞所藏未必皆秘書秘書未必皆藏甚為不可乞三史庫內不緊  
雜書盡令刷出取 璿源錄及承政院議政府六曹司憲府司  
諫院藝文春秋館文書擇書三件且東國所撰諸書冊諸子  
集州郡圖籍悉皆購求又一件如宋史元史等冊並令傳寫以

藏三庫 御書曰督之有司一厚風俗蓋國家風俗不過維持  
三綱而已方今君臣父子之倫秩然不紊然姑比事而論之守  
令者民之父母也前日諭書之降本欲使民訴已怨而懲貪暴  
之吏也而不繁雜事無不陳訴以下陵上告訐之風大起一人  
之事一里化之一里之事一邑化之一邑之事一道化之以至  
于一國此風不可長也此風一成非一朝一夕所能革也乞自  
今雖自己之事不至冤抑者憲府不得受理其受理者誣告則  
反坐如是告訐息而貪暴亦自戢矣且奴婢之分猶君臣也死  
亡患難不可不救平時則自有家法至於倉卒之變如前朝紅  
賊之時則其害不可言也今後奴婢見本主遭水火盜賊疾病  
死亡之患而能扶持救護者令告官放為良人其主亡廬墓三  
年者亦放其役且本朝平民之女固不足論良家婦女節行可  
取然豈能家家皆然百年如一日乎乞今後能扶持其夫於水  
火盜賊疾病死亡者及年二十而寡至十年守義者在表門閭  
永蠲其家丁役 御書曰告訐之風予方留心欲禁之時也反

坐之論極好放良之說下政府一定儀制蓋禮有三千三百之  
殊其目則吉凶軍賓嘉五者而已吉者朝廷之禮軍者兵陣之  
禮賓者交隣事大之禮嘉者婚姻凶者喪葬也乞以世宗朝  
新撰儀注斟酌而考定之特成一代之典使朝儀陣法秩然有  
序不相紊亂以至三禮莫不皆然幸甚御書下禮曹曰一明  
戶籍蓋周禮凡民自生齒以上皆書於版三年大比以獻于王  
王拜受之登于天府今本朝戶口之法不明江原黃海平安道  
多以一丁為一戶慶尚全羅道及咸吉道六鎮或有數十人為  
一戶而京畿忠清道不至甚濫江原黃海山郡之民流亡失業  
以一戶供前日數戶之役日以彫弊慶尚全羅公海之郡豪猾  
之家外為一門內置數家如或刷之乘舩入海至有奴歐本主  
者平時則富者免而貧者常代其勞軍興則素不係籍必皆逃  
竄俱不可也乞今後京都漢城府外方八道申明戶口之法不  
論尊卑老少男女皆置戶口無者科罪其士族率居奴婢及平  
民與父母同居者外每三丁為一戶而三年一考之漏一丁者

五家及監考管領悉徙北邊漏一家者并罪守令及兵房吏仍許人陳告以犯人田產充賞又入仕與訴寃者皆先考戶口如是則無一人以國民而漏籍無一兵以單丁而立役良人盡出而軍額足逋逃出而盜賊息公賤出而官府足私賤出而土大夫足至於市井之徒皆著于籍以為石擲軍以習戰陣之事御書曰下兵曹一實義倉蓋國家米穀所需曰供上曰祿俸曰軍資曰義倉近年義倉所餼三次蠲減自是民受倉粟希望舊例多不還納日益耗損誠可寒心臣竊惟愚民得穀不知撙節以供朝夕儲畜以備凶荒故先王始制義倉義倉即民之府庫也年雖不至於饑夏月糧種惟義倉是仰今聞慶尚一道之飢欲賑無穀必將假借軍資軍資用之軍旅義倉用之凶荒皆不可不重也義倉既竭又將軍資而并用則國家之畜無多矣臣於前夏仰陳補添義倉之策得蒙俞允即令該曹措置然其後未聞該曹有設施之事而近日慶尚之飢有假餼軍資之議故敢此再陳伏惟垂察更令該曹特加布置御書曰督問該曹

一汰冗官蓋冗官不可不汰也然立法定制當熟究利病將期百年無弊不可一時草草為之也當今之計先取續典以後條章撰新典新典既成合元典續典謄錄新典等四書而參考之作六典大成仍定官制官制定時酌百官職事孰為可汰孰為不可汰而增減之如是則新典成而近年條章有所去就六典大成而前後法度有所歸一官制定而百官有所遵守而冗官亦以汰矣御書曰予既布置矣正合予心一併少縣蓋少縣似可皆合也然自古至今中原與東國皆錯設州府郡縣所以大以統小小以承大大小相維之意也以體勢言之則郡縣不可皆小以民事言之則不可皆大須間設大州以壯其勢又設小邑以便民事然後可也今日路傍殘邑併其太甚者則可矣若例以小縣合大州或以小縣併小縣而為大州則臣未見其可也古人因山川要害道路遠近列置郡縣三韓之地摠三百餘州是不可過當加減也况郡大則民衆民衆則事煩守令疲於簿書一邑民事付之於吏付之吏手則民之受弊不可勝言



臣愚以為郡縣之過大者割置別邑其甚小縣併之於大安有大邑不可問而小邑例合於大裁為今之計先定京城及八道地圖地誌當考圖籍之時察其山川要害道路遠近人物繁簡或小以併於大大以分為二去其已甚但今日決意行之者有二焉越境之地無遺改正犬牙相入亦略審定如是則郡縣之制不紊而民亦不擾矣臣竊惟孔子曰既庶既富又教之又曰足食足兵民信之矣此三者不可去一也臣今所陳戶籍明則既庶而足兵矣義倉實則既富而足食矣教之而民信則風俗自歸於厚矣然教之之本又在於御經筵日新又新之如何耳

御書曰

右條徐觀予政

○兵曹啓

駕前形名交龍旗纛

青白二麾內禁衛令下旗大小角招搖旗鼓金鞀鐸訓導二吹螺赤二大將形名標旗二令下五色麾各二纛二大小角各二鼓二金二并常置於內衛將形名標旗五五部令下旗各五招搖旗五大小角五吹螺赤五衛將賁領八番從之○己卯僉知中樞院事柳河脹闕功臣等就慰其第

上聞之賜酒樂

命都承旨韓明澮左承旨曹錫文左副承旨韓繼美往慰之○  
書雲觀啓前此本觀築看更臺每更一人觀望今臺毀坐平地  
不得觀望四方請依 世宗朝例就簡儀臺候察 從之○庚

辰 御思政殿視事領中樞院事尹師略兵曹判書洪達孫禮

曹判書洪允成承旨等侍食慶尚道經歷趙元祉熊川縣監崔

錫起等辭引見謂元祉曰慶尚道連年水旱民方饑饉救荒之

事宜盡心措置謂賜起曰汝等會聚射候幾何賜起對曰臣二

三度會射 命明澮與達孫問以與會射之人賜起曰臣與鏡

城節制使洪重孫鎮撫河紹義薛成林禹守老等七人會射日

月則臣忘之 命下賜起于義禁府獄并囚所與射者因 命

明澮同義禁府劾之時妓沮江梅名重樂籍以艷稱重孫嬖之

至是重孫受鏡城節制使度不能帶去屢與其腹心會飲邀之

叙別又有內相一人亦私之追尋蹤跡偵知武士夜聚拈一搆

為疑辭密啓○兵曹啓今詳教旨兵曹巡綽外義禁府刑曹

郎官率令史杖首螺匠百戶無時行巡但郎官無標信軍號而

行則恐有詐稱巡官者請賜通行標信兼授軍號無時行巡以  
防姦偽 從之○辛巳日暈○以延慶為谷山君南景祐宜寧  
君金國光司憲持平○吏曹啓前此司樽院左右番提舉各置  
一員如使臣宴享及凡大小燕享之時任使者少請加設左右  
番各一 從之○壬午 御序賢殿觀射世子與領議政府事  
鄭麟趾領中樞院事尹師路吏曹判書權擘兵曹判書洪達孫  
參判具致寬參議韓終孫承旨等入侍議部將新法○癸未日  
暈○幸慕華館以新陣法行軍 命花川君權恭為將進賀使黃  
守身副使閔瑗忠清道都制節使黃致身咸吉道都節制使郭  
連城等辭 上設酌餞之○兵曹啓駕前訓導稱踊本無依據  
請改稱宣傳官 從之○甲申夜流星出紫微垣大帝座大如  
瓶光芒耀地有聲○禮曹啓參詳廟制天子七諸侯五大夫三  
降殺以兩不可踰制然祖功宗德七廟五廟之外又有百歲不  
遷之位周之文世室魯之世室屋是已先儒謂大夫家亦有始  
封之君如魯季氏之於公子友叔孫氏之於叔牙是也以此觀

之考之世卿之家於三廟之外祀其始封之人明矣本朝開國  
定社佐命靖難佐翼功臣等際會風雲攀鱗附翼得展其微勞  
聖朝既依古昔裂土疏封之制封君賜爵子孫承襲錫之士  
田副以藏獲資蔭及於子孫恩宥延於永世即是起家始祖先  
儒所請始封是也今開國定社佐命功臣已有子孫踈遠不得  
享其祀者其子孫世承祖蔭食其土田役其奴婢而不祭其祖  
之所自出不可也是無他局於定制而不得變通也許令五功  
臣子孫於三廟之外別為一室以奉其祀以廣 聖朝崇德報  
功之典 從之○工曹判書楊汀自咸吉道來復命○上御思  
政殿設酌都鎮撫衛將部將承旨等入侍謂部將曰爾等熟習  
陣書予將講之○諭八道觀察使曰貯水灌溉本欲均利也予  
聞強者專利弱者反受侵逼守令慢不考察殊無勸課之意卿  
體予懷於諸邑坊里設置統主嚴其禁制毋得紛爭務要均一  
○乙酉日有兩珥○御思政殿受常參視事始陳形名於前

龍旗

一 肅 一 令 五 衛 旗 五 大 角 一 小 角 一 招 當 直 都 鎮 撫 衛 將 部 將

搖 旗

一 皆 忠 義 衛

奉 持 角 則 吹 響 赤

招

當 直 都 鎮 撫 衛 將 部 將

鎮撫亦分左右佩劍侍衛○書雲觀啓今詳丁丑年唐曆及鄉曆唐曆則七月十九日為末伏八月十五日為望鄉曆則七月九日為末伏八月十六日為望相違如此故更考曆要冊云立秋後一庚為末伏若立秋日庚則以立秋日為末伏今年七月九日庚午子正一刻立秋故以是日定為末伏內篇法云定望分在日出分已下退一日定望今八月望則在日出分已上故以十六日定為望命禮曹參考以聞○丙戌日暈○柔川尉邊孝順率孝順高麗贊成安烈之後尚太宗女昭信翁主封柔川尉性溫雅行已恭遜平生有三大拙處心拙治家拙待人接物又拙謚曰康夷信柔好樂康安心好靜夷○傳旨禮曹曰近日憲府請禁婦女上寺予不允者以官吏夤緣作擾於寺社也予自文宗廟熟見此弊故予每出政令存乎寬大以革苛刻國家自祖宗以來建淨舍設水陸祈禱追薦既所尊仰何得侮慢侵毀哉俗儒徒尚利口不顧事體曰闢之者聖人之徒也此初學書生之所為也甚者至於與君上爭是非此風其可長

乎予雖不德握符乘運子育萬姓為一國神人之主日夜慮或  
有一物不獲其所者故常護寺社蠲除雜徭使僧俗各修其道  
所謂猫遊于堂鼠噉于穴鳶飛戾天魚躍于淵者也若婦女上  
寺豈是予意無益於僧俗而況濫莫甚不可不禁也雖然許官  
吏往寺推鞠寺僧則弊復如前矣其有明白聞婦女上寺者啟  
聞推劾自外合行事宜條列于左惟爾禮曹曉諭中外一禁婦  
女上寺一比丘尼許上寺一官差及儒生不得上寺如有犯罪  
僧人推問事則必須啓聞後官差上寺一已受禪師大禪師官  
教不宜更問度牒有無一有因犯罪僧人方許考度牒啓聞推  
考一自願入丁錢受度牒者有司毋得遲滯一寺社貢賦外雜  
役一除一自丁丑十月一日後為僧者滿三月而不出度牒則  
當身族親切隣中告其不出度牒緣由于官不告者族親切隣  
論罪每滿三月必召滿一年猶不出度牒者還俗○以李徽平  
山田 賜讓寧大君禔瑜唐津田成三問唐津田揚州田 賜  
臨瀛大君璆李徽平山田 賜孝寧大君補阿只權自慎趙

清老黃善寶尹令孫洪州田權著豐基田 賜永膺大君琰瑜  
柳誠源廣州田成勝高陽田 賜桂陽君曾趙清老許愷通津  
田崔斯友妻石乙今沔川田權著星州田 賜翼峴君璉崔斯  
友成勝洪州田 賜義昌君玃尹令孫瑞山田李昊連山田  
賜密城君琛阿加之富平白川田俞應孚白川田金珣玦陽智  
田 賜寧海君瑯阿只尹令孫靈巖田朴仲林海南田崔斯友  
妻石乙今德山田 賜清平尉公主李徽平山田 賜延昌尉  
公主鄭冠文化田權著義城田 賜青城尉翁主金文起永同  
田崔閏石公州田 賜領議政鄭麟趾金漢之河緯地金堪善  
山田崔始昌林川田 賜卒左議政韓確崔得地李昊息津田  
崔致池妾德非崔得池妾地莊非息津田崔始昌抱川田 賜  
左議政鄭昌孫李塏成三問成三聘咸悅田李昊龍仁田 賜  
右議政姜孟卿柳漢海州田 賜雲城府院君朴從愚朴仲林  
朴諤年朴耆年朴引年朴大年朴永年奉汝諧新昌田朴遂廣  
州田 賜鈴川府院君尹師路李塏韓山田成三問禮山田李

裕基李午豐德田朴仲林牙山田崔斯友海美田奉紐温陽田  
尹令孫懷德田李塏臨陂田賜前判院事李季甸金文起沃  
川田 賜坡平君尹巖俞應孚抱川田阿加之金浦田 賜右  
贊成申叔舟李塏沈慎宋石同忠州田崔得池水原田朴仲林  
果川田趙清老陽川田 賜左叅贊黃宇身成三問李末生平  
山田 賜右叅贊朴仲孫金文起張貴南阿只安東田阿加之  
延安田成勝楊州田 賜吏曹判書權擘朴仲林石城田朴彭  
年朔寧田阿只成三問高陽田 賜兵曹判書洪達孫金文起  
沃川田李塏韓山田 賜禮曹判書洪允成柳漢海州田 賜  
大司憲崔恒阿只開寧田金龍楊州田李徽永平田李裕基川  
寧田高黼長湍田成文治楊根田 賜工曹判書楊汀柳漢海  
州田 賜同知中樞院事奉石柱李石貞延安田崔沔崔始昌  
楊州田 賜判內侍府事田昀沈慎尚州田朴彭年温陽田趙  
清老柳誠源清州田李塏礪山田許慥河陽田李聞安山田鄭  
平悰田 賜都承旨韓明澮李裕基玄風田李徽宋昌原平



田尹令孫積城田 賜左承旨曹錫文朴仲林朴耆年朴永年

全義田成勝崔斯友朴彭年天安田朴仲林燕歧天安田 賜

右承旨尹子雲成勝樂安田衿川田原平田 賜左副承旨韓

繼美崔致池恩津田 賜同副承旨金瓚瓌任進誠水原田

賜前僉知中樞院事尹士吟朴靖水原田賜上護軍趙得琳

鄭棕衿川田 賜中樞院副使朴炯嚴自治楊州田李保仁豐

壤田 賜大護軍全循義若有家舍慶元家財賜之 ○丁亥

注書梁惟石以父病辭職歸晉州 命給暇并驛騎令其道觀

察使給病父食物 傳于順石曰明使之來在近事務繁劇宜

速回來 ○僧五餘人百張于慣習都監廳數日作梵唄市里商

賈爭持食漿以饋之名曰日齋者監患之報禮曹以啟 上命

注書鄭垠急往逐之仍 命劾都監官吏許接之罪尋赦之都

監本國初所創興福寺也廢為官廨久至是贊成黃守身為都

監提調用工妓贖錢大新堂廡僧徒無因而至共作梵唄 ○都

鎮撫權擘啓本以印官等隱漏防牌一百一十名 命義禁府

鞫之○諭開城府留守及平安黃海道觀察使曰明使及本朝使臣宣慰酒今後各於設宴處預辦待候在前宣醞皆自京中賫往自是皆於所在辦之○傳于兵曹及衛將部將曰兵曹令入直部將須用標信召致部將承令告衛將衛將啓達乃送○戊子 命召桂陽君增領中樞院事尹師路兵曹判書洪達孫工曹判書楊汀兵曹參判具致寬左承旨曹錫文左副承旨韓繼美右副承旨權摯同副承旨金礪兵曹參議韓終孫知事權愷都鎮撫權恭會于勤政殿月廊議部將鎮撫之法○賜咸吉道都節制使鄭連城宮醞十瓶及樂○己丑長川君李昇平上言子憲妻柳氏性惡手縛奴婢親自毆打奴婢不勝其苦而逃者七人臣以鰥夫獨居臣之奴婢亦被毆打而逃者多與其夫甚不順無婦行又常辱我云舌得幾年詈罵不孝臣即黜之使憲具由告于憲司憲司不受反以憲為無故棄妻追身推鞫臣實悶焉 命召掌令權衡 傳曰憲之妻其舅以為不順婦道則是已有罪憲司當請憲妻之罪且憲父之言不可以為妄然

舅姑之間鞫詰為難其勿問○庚寅日暈○上謂世子曰昔唐太宗謂高宗曰朕不盡用善才及有功之人欲汝用之而冢汝之恩矣後世論唐太宗者責太宗曰慮遠太甚非也我有功多之人未盡用則汝知而用之若崔善復尹弼商之類是已○咸吉道都節制使郭連城辭上設酌錢之○辛卯明使遠接使戶曹判書朴元亨都司宣慰使藝文提學李承召率通事金自安辭賜見于思政殿世子與臨瀛大君璆永膺大君琰桂陽君璫密城君琛寧海君瑯領中樞院事尹師路都鎮撫衛將部將鎮撫承旨等侍上謂元亨曰古人云勞於求賢逸於任人卿知此言乎今遣卿以迎明使予則無事矣且戶曹之事皆重而兵事則予自都統府時已嘗留心且兵事易為也若戶曹之事今雖盡心措置未易見效卿其致慮文三罔敢知于庶獄庶慎豈真罔知哉若戶曹刑曹之事君而不知則不可也予方留意兵事而不暇及也卿其勉之今國家經費皆可省約而饋兵之需則不可闕也元亨曰戶曹一國人命所係臣常懼不勝任

也上顧謂世子曰爾將有社稷之責當知勞於求賢逸於任人之語予若用元亨而遺汝則汝亦用之命自安統前問買驢子事仍命開素自安精於漢語年前十一月遭母喪十二月起復至是開素同知敦寧府事沈澮以衛將入侍上使前命之曰衛將公器不可忝也卿其戒之澮叩頭謝上又曰非但衛將為公器予位亦公器社稷亦天下萬世之公器予應受此器之人故受之耳不可視以為私也澮昭憲王后同母弟也在世宗朝因父溫罪禁錮數十年與兄濬弟決折節志學謙恭中度文宗即位許通仕路至是濬已死唯澮決在上擢為堂上官恩眷甚隆每於大內呼叔父而不名命元亨進酒又命都承旨韓明澮進酒上曰靖難之事明澮為之子無所為明澮又進于世子 上顧謂世子曰明澮之酒不可與他同汝與明澮當飲大爵謂宗親大臣曰明澮非常人也諸臣皆出特留明澮與內宗親又進數爵遂相與入內良久而出○壬辰掌令金命中將本府議政曰近日不禁淫祀婦女至以杖鼓弦

管前引鼓舞且使伶人呈戲於前白晝大都之中無所羞愧此風不可長也今外方甚凶歎請禁酒大興縣監趙秀武被部民告訴今已辨明改下而其道觀察使以為無本府移文今當勸農救荒時不許行公請亟令秀武行公問其事由於觀察使傳曰婦女暑爾則憲司何不禁之禁酒則微劣小民僅得一醉先被劾論豪強者無日不飲及不見劾此法行之無益秀武行公事及觀察使推劾事則可○上在潜邸慕世宗作二句曰殿堂依舊風自吹葉花知時對春陽一日上披閱書冊偶得其詩命左贊成申叔舟足之叔舟曰眼看時事正紛紛獨坐悠悠心自傷上曰叔舟知吾靖難時事故其詩如此命刊印賜承旨等又令文臣和進模印分賜臣僚○始命宣傳官入直于思政殿東廊令鎮撫摘奸永為恒式○吏曹啓平安道義州乃明使出來初面巨鎮而人物凋殘土地狹窄請罷附近定寧郡以屬之從之○承政院奉旨馳書于黃海道觀察使曰道內兎山牛峯等邑住居盲人張得雲所藏陰陽書曲盡搜

覓付今去安孝禮以送○癸巳 命桂陽君璿 傳于金磧曰  
忠義衛本不隨陣今則分衛若使之習陣則必以為古無是事  
使不與陣則予於觀獵時親上山阪而忠義衛獨安然在山麓  
可乎磧曰忠義衛本不試才初不以為兵 太宗朝權聃負纛  
隨駕 太宗望見驚曰何至使聃若爾仍 命勿依軍士例只  
令捧持繖扇本數雖多入番者少分五番以後一番入直者僅  
滿數十而東西班從仕外擇其時仕壯健者以為 大殿東宮  
差備亦不下五十人餘皆微弱之徒如使隨陣則必不能當恐  
不可也璿以啓 御書曰忠義衛予親將時外可依前例勿令  
隨陣○日本國肥前州田平寓鎮源朝臣彈正少弼弘及肥前  
州下松浦三栗野太守源滿薩摩州日向太守藤源盛久各遣  
使來獻土物○夏四月甲午朔日暈○親傳 永寧殿宗廟夏  
享祭香親○御思政殿 命都承旨韓明澮同副承旨金磧兵  
曹叅議韓終孫議新兵制 召宣傳官宋仲文韓瑞龜等謂曰  
予其試諸將乃以召部將標信召都鎮撫以召衛將標信召部

行都鎮撫洪允成李興商見標信笑曰非召某等也不赴部將  
許亨孫金嶠見標信謂持標信者曰爾何用衛將之招給某等  
也部將趙邦霖李宗顯等見標信即走出望見金嶠等不赴疑  
而中止仲文瑞龜以啓上曰允成信不可給也予固知其為  
人也仍命召侍食衛將鎮撫皆與焉賜允成大鹿皮一張金  
嶠許亨孫角弓各一張命明澮傳于邦霖宗顯曰汝等為宋  
仲文所誤罪當罰也其脫帽飲罰酒以仲文能給部將賜角弓  
一張又賜邦霖宗顯角弓各一張兵曹啓一常時出令本曹  
移文鎮撫所鎮撫所移文衛將若啓緊急事依舊例發牌招鎮  
撫面囑一五衛犯令軍士衛將直啓本曹及鎮撫所摘奸及行  
巡時犯禁軍士亦各直啓一內外巡綽軍士之數衛將磨勘送  
本曹分更分道且錄內外諸門把直軍士姓名一件送鎮撫所  
一件送本曹本曹更書名以啓宮城外軍士衛將毋得考察一  
上大護軍數少行巡艱苦以出番部將和會差定一衛將則更  
曹以堂上官十六員注擬受點每番五人更三日直宿分衛用

職次扈 駕時亦受 點一部將每部一人本曹注擬受 點  
各其本部直宿宣傳官十五員定額分三番三日相遞思政殿  
門內直宿宣傳時立傳毋得對跪一鎮撫所鎮撫三十內減十  
五以十五人定額分爲三番景福宮內所三人光化門外所一人  
昌德宮一人直宿外所鎮撫有所令則須受宣傳標信本曹  
郎官承傳時亦考宣傳標信一諸衛無所巡察然警衆不弛兵  
家所貴或命大臣或命宗親或命兵曹鎮撫所宣傳官宦官司謂  
司鑰至於政院皂隸若受宣傳標信而往則率及五長以上不  
告將帥而奉 命若大將傳命標信則令其衛將而已衛將傳  
令標信則令其部將而已部將不聽大將之令統將不受衛將  
之令皆從此例一忠義衛國家優恤常時不使隨陣若親將時  
不拘此例忠順忠贊衛則依內禁別侍衛甲士例一舊例迎秋  
門節制使一員鎮撫一員直宿今勿令直宿以宣傳標信開  
閉一建置大將則本曹定郎官二員吹螺赤二人太平簫二人  
形名各差備 累匠十人令史二人給該用紙筆墨一前此鎮撫所稱